



BOSNA I HERCEGOVINA / FEDERACIJA BOSNE I HERCEGOVINE
ZAVOD ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE
BOSNIA AND HERZEGOVINA / FEDERATION OF BOSNIA AND HERZEGOVINA
FBIH INSTITUTE FOR HEALTH INSURANCE AND REINSURANCE

**ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE**

**IZVJEŠTAJ O IZVRŠENJU FINANSIJSKOG PLANA
ZAVODA ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE ZA 2022. GODINU**

Sarajevo, april 2023. godine

Sadržaj

1. Uvod	1
2. Prihodi Federalnog zavoda osiguranja i reosiguranja	4
2.1. Prihodi od doprinosa	6
2.2. Prihodi iz Budžeta Federacije BiH.....	7
2.3. Ostali prihodi	8
3. Rashodi Federalnog zavoda osiguranja i reosiguranja	8
3.1. Plate, naknade i doprinosi poslodavca.....	11
3.1.1. Bruto plaće i naknade zaposlenih.....	11
3.1.2. Naknade troškova zaposlenih.....	11
3.1.3. Doprinosi poslodavca i ostali doprinosi.....	11
3.2. Izdaci za materijal i usluge	11
3.2.1. Putni troškovi.....	11
3.2.2. Nabavka materijala	11
3.2.3. Izdaci za usluge prijevoza i gorivo	12
3.2.4. Naknade za iznajmljivanje	12
3.2.5. Tekuće održavanje	12
3.2.6. Osiguranje i bankarske usluge	12
3.2.7. Ugovorene i druge posebne usluge	12
3.2.8. Kapitalni izdaci	14
3.2.9. Tekuća rezerva.....	14
4. Finansijski rezultat	14
5. Broj i struktura zaposlenih	14
6. Zaključak	15

1. Uvod

Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod) je sačinio Izvještaj o izvršenju Finansijskog plana Federalnog zavoda osiguranja i reosiguranja za 2022. godinu (konsolidovani) u skladu sa odredbama Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22 i 25a/22), Zakona o izvršavanju Budžeta Federacije Bosne i Hercegovine za 2022. godinu („Službene novine Federacije Bosne i Hercegovine“, broj: 25/22), Pravilnika o finansijskom izvještavanju i godišnjem obračunu budžeta-proračuna u Federaciji Bosne i Hercegovine („Službene novine Federacije Bosne i Hercegovine“, broj 69/14, 14/15, 4/16, 19/18 i 3/21) i Zakona o zdravstvenom osiguranju („Službene novine Federacije Bosne i Hercegovine“, br. 30/97, 07/02, 70/08, 48/11, 36/18 i 61/22).

U skladu sa Zakonom o zdravstvenom osiguranju i Statutom Federalnog zavoda, Federalni zavod, u okviru svoje registrovane djelatnosti, obavlja poslove:

-) učešće u izradi Zakona u oblasti zdravstva, kao i drugih propisa i podzakonskih akata u vezi sa ostvarivanjem prava iz obaveznog zdravstvenog osiguranja;
-) praćenje politike provođenja i unapređenja obaveznog zdravstvenog osiguranja i koordiniranje rada kantonalnih zavoda zdravstvenog osiguranja u tom domenu;
-) donošenje plana rada Zavoda zdravstvenog osiguranja i reosiguranja Federacije BiH za 2023. godinu;
-) donošenje Trogodišnjeg plana rada Zavoda zdravstvenog osiguranja i reosiguranja Federacije BiH, za period 2023-2025. godine;
-) planiranje i prikupljanje sredstava federalnog fonda solidarnosti i realizacije programa zdravstvene zaštite koji se finansiraju sredstvima federalne solidarnosti, saglasno Odluci o vertikalnim programima;
-) obezbjeđenje prava osiguranika u okviru federalnog fonda solidarnosti u cilju ujednačavanja prava osiguranih lica na nivou Federacije BiH kod provođenja određenih programa zdravstvene zaštite;
-) izradu međunarodnih ugovora o socijalnom osiguranju u dijelu koji se odnosi na obavezno zdravstveno osiguranje i provodi ih;
-) koordiniranje rada kantonalnih zavoda zdravstvenog osiguranja u provođenju ovih ugovora i neposredno učestvovanje u međunarodnim dogovorima vezanim za ovu oblast,
-) obavljanje poslova u vezi sa ostvarivanjem zdravstvene zaštite u inostranstvu za koje je ovlašten u skladu sa Zakonom o zdravstvenom osiguranju;
-) osiguranje vođenja jedinstvenog informacionog sistema obaveznog zdravstvenog osiguranja;
-) prikupljanje, analizu podataka i izradu obračuna ukupnih sredstava ostvarenih i utrošenih u zdravstvu Federacije Bosne i Hercegovine;
-) izradu cijena zdravstvenih usluga iz osnova obaveznog zdravstvenog osiguranja;
-) kao i druge poslove koji se odnose na rad federalnog fonda solidarnosti, a proizilaze iz zakona i drugih propisa te podzakonskih akata.

U Izvještaju o izvršenju Finansijskog plana Federalnog zavoda prezentiraju se zbirni podaci o ukupno ostvarenim prihodima, po izvorima sredstava i rashodima po namjenama, te ostvarenom finansijskom rezultatu u 2022. godini.

Podaci o ostvarenim prihodima i izvršenim rashodima za 2022. godinu prikazuju se uporedno sa podacima planiranim po Finansijskom planu za 2022. godinu i ostvarenim u 2021. godini. U nastavku se navode najznačajnije aktivnosti na osnovu kojih su, u 2022. godini, donesene odluke od strane Upravnog odbora i Stručne službe Federalnog zavoda, a koje se odnose na rad i poslovanje Federalnog zavoda u 2022. godini.

Finansijski plan Federalnog zavoda za 2022. godinu i Odluka o privremenom finansiranju za period 01.01.-31.03.2022. godine

Upravni odbor Federalnog zavoda je blagovremeno, a u skladu sa Zakonom o budžetima u Federaciji BiH, usvojio Finansijski plan za 2022. godinu i na sjednici održanoj 17.11.2021. godine donio Odluku o usvajanju Finansijskog plana Federalnog zavoda za 2022. godinu, br.02/IV-01-1-3558-1/21 i Odluku o načinu izvršavanja Finansijskog plana Federalnog zavoda za 2022. godinu, br. 02/IV-01-1-3554-1/21.

Na Finansijski plan Federalnog zavoda za 2022. godinu i na Odluku o načinu izvršavanja Finansijskog plana Federalnog zavoda za 2022. godinu, Parlament Federacije BiH dao je saglasnost („Sl.novine Federacije BiH“, br. 8/22 od 04.02.2022. godine).

Rebalans Finansijskog plana Federalnog zavoda za 2022. godinu

Stručna služba Federalnog zavoda sačinila je prijedlog Izmjena i dopuna Finansijskog plana (Rebalans) za 2022. godinu koji je Upravni odbor Federalnog zavoda usvojio na sjednici održanoj 06.06.2022. godine donošenjem Odluke o usvajanju Izmjena i dopuna Finansijskog plana Federalnog zavoda (Rebalans) za 2022. godinu, br.02/IV-01-1-2208-1/22, i Odluke o načinu izvršavanja Rebalansa finansijskog plana Federalnog zavoda za 2022. godinu, br. 02/V-01-1-2207-1/22.

Rebalansom finansijskog plana za 2022. godinu ukupni prihodi su povećani za 10.094.000 KM u odnosu na planirane po Finansijskom planu za 2022. godinu, od čega se najznačajnije povećanje odnosi na povećanje prihoda od doprinosa iz obaveznog zdravstvenog osiguranja u Federaciji BiH za 10 mil. KM, te povećanje po osnovu prihoda od poduzetničkih aktivnosti-finansijski rabati od strane dobavljača lijekova za 94.000 KM.

Do značajnog povećanja prihoda od doprinosa za obavezno zdravstveno osiguranje u Federaciji BiH planiranim u Rebalansu finansijskog plana za 2022. godinu u odnosu na Finansijski plan za 2022. godinu, dovela je, između ostalog, i činjenica da je Vlada Federacije BiH donijela Odluku o povećanju najniže plaće za 33,56% počevši od 01.01.2022. godine što se pozitivno odrazilo na veće ostvarenje prihoda od doprinosa za obavezno zdravstveno osiguranje u Federaciji BiH.

Također, Odlukom o usvajanju Godišnjeg obračuna Federalnog zavoda za 2021. godinu, br. 02/V-01-1-702-1/22 od 24.02.2022. godine, utvrđen je neraspoređeni višak prihoda nad rashodima iz prethodnog perioda u iznosu od 8,5 mil. KM i koji je uvršten u Rebalans finansijskog plana za 2022. godinu.

Rebalansom finansijskog plana za 2022. godinu planirano je povećanje izdataka za materijal i usluge u ukupnom iznosu od 16.696.350 KM, i to:

- povećanje rashoda za lijekove za 11.013.000 KM, od čega su citostatici povećani za 8.663.000 KM, lijekovi za liječenje multiple skleroze za 1,8 mil. KM, lijekovi za liječenje Chronove bolesti za 400.000 KM, i lijekovi za liječenje oboljelih od HIV/AIDS-a za 150.000 KM,

- povećanje rashoda za zdravstvene usluge u Federaciji BiH za 5.400.000 KM na, od čega je kardiologija i kardiohirurgija povećana za 4 mil. KM, troškovi prevoza na dijalizu za 1 mil. KM, i radoterapija za 400.000 KM,

- povećanje rashoda sufinansiranja troškova liječenja za 250.000 KM,

- povećanje troškova za administrativni materijal za 17.350 KM,
- povećanje izdataka za energiju za 10.000 KM,
- povećanje izdataka za gorivo iznos od 6.000 KM.

Rebalansom finansijskog plana za 2022. godinu planirano je smanjenje kapitalnih izdataka za 2.350 KM, te su planirana sredstva tekuće rezerve u iznosu od 3 mil. KM.

Ostale pozicije rashoda planirani po Rebalansu finansijskog plana za 2022. godinu su ostale na nivou planiranih po Finansijskom planu za 2022. godinu.

Na Izmjene i dopune Finansijskog plana (Rebalans) Federalnog zavoda za 2022. godinu, Parlament Federacije BiH dao je saglasnost („Sl.novine Federacije BiH“, br. 62/22 od 05.08.2022. godine).

Rebalans Finansijskog plana (druge izmjene i dopune) Federalnog zavoda za 2022. godinu

Stručna služba Federalnog zavoda sačinila je prijedlog izmjena i dopuna Finansijskog plana (Rebalans-druge izmjene i dopune) za 2022. godinu koji je Upravni odbor Federalnog zavoda usvojio na sjednici održanoj 08.11.2022. godine donošenjem Odluke o usvajanju Izmjena i dopuna Finansijskog plana Federalnog zavoda (Rebalans-druge izmjene i dopune) za 2022. godinu, br.02/IV-01-1-3882-1/22, i Odluke o načinu izvršavanja Rebalansa finansijskog plana Federalnog zavoda (Rebalans-druge izmjene i dopune) za 2022. godinu, br. 02/V-01-1-3883-1/22.

Rebalansom finansijskog plana (druge izmjene i dopune) za 2022. godinu ukupni prihodi su povećani za 9.300.500 KM u odnosu na planirane za 2022. godinu, od čega su:

- prihoda od doprinosa iz obaveznog zdravstvenog osiguranja u Federaciji BiH najznačajnije povećani i to za 7 mil. KM a na osnovu ostvarenja ovih prihoda u periodu I-VIII 2022. godine i procjene njihovog ostvarenja do kraja 2022. godine,
- prihodi od doprinosa od ino-osiguranika (paušali) povećani za 900.000 KM a na osnovu procjene Stručne službe,
- prihodi od poduzetničkih aktivnosti povećani za 400.000 KM a po osnovu odobrenih finansijskih rabata dobavljača isporučilaca lijekova,
- tekući transferi drugih nivoa vlasti (Budžet Federacije BiH) povećani za 1.000.000 KM a na osnovu Odluke Vlade Federacije BiH kojom se odobrava raspodjela sredstava za finansiranje usluga invazivne i interventne kardiologije i kardiohirurgije kod pacijenata kojima su pružene usluge iz ovog programa, a uslijed posljedica izazvanih pandemijom COVID-19, i
- prihodi po osnovu donacija povećani su i planirani u iznosu od 500 KM.

Rebalansom finansijskog plana (druge izmjene i dopune) za 2022. godinu planirano je povećanje izdataka za materijal i usluge u ukupnom iznosu od 9.300.500 KM, i to:

- povećanje izdataka za nabavku materijala i sitnog inventara u iznosu od 4.300.500 KM što se odnosi na povećanje sredstava za nabavku lijekova i potrošnog medicinskog materijala. Tako se povećavaju rashodi za sljedeće lijekove (citostatici za 3.540.000 KM, lijekovi za multiplu sklerozu za 600.500 KM, lijekovi za Chronovu bolest za 960.000 KM, lijekovi za HIV/AIDS za 300.000 KM), i istovremeno se smanjuju rashodi za lijekove za dijalizu za 550.000 KM i potrošni materijal za dijalizu za 550.000 KM, te
- povećanje izdataka za ugovorene i druge usluge u iznosu od 5.000.000 KM, od čega se 3.000.000 KM odnosi na povećanje rashoda za zdravstvene usluge u zdravstvenim ustanovama u Federaciji BiH, a 2.000.000 KM na povećanje rashoda za liječenje u zdravstvenim ustanovama u inostranstvu.

Ostale pozicije rashoda su ostale na nivou planiranih po Finansijskom planu za 2022. godinu.

Na Izmjene i dopune Finansijskog plana (Rebalans-druge izmjene i dopune) Federalnog zavoda za 2022. godinu, Parlament Federacije BiH dao je saglasnost („Sl.novine Federacije BiH“, br. 06/23 od 27.01.2023. godine).

Odluka o preraspodjeli rashoda unutar pozicija rashoda za zdravstvenu zaštitu koja se finansira sredstvima Federalnog fonda solidarnosti za 2022. godinu

Upravni odbor Federalnog zavoda je na sjednici održanoj 27.02.2023. godine donio Odluku, br. 02/IV-01-1-885-1/23, o preraspodjeli sredstava unutar pozicija rashoda za zdravstvenu zaštitu koja se finansiraju sredstvima fonda solidarnosti Federacije BiH za 2022. godinu, u ukupnom iznosu od 2.848.350 KM. Izvršenom preraspodjelom ukupan iznos planiranih rashoda na navedenim pozicijama ostao je nepromijenjen u odnosu na sredstva planirana Rebalansom finansijskog plana (druge izmjene i dopune) za 2022. godinu.

Za preraspodjelu rashoda koje se odnose na zdravstvene usluge sačinjena je izmjena i dopuna Programa zdravstvene zaštite za 2022. godinu u dijelu koji se odnosi na Plan obima zdravstvenih usluga za 2022. godinu.

Federalno ministarstvo zdravstva je, na prijedlog Federalnog zavoda zdravstvenog osiguranja, dalo saglasnost, br. 01-33-0782/23 od 08.02.2023. godine, na Izmjene i dopune Programa zdravstvene zaštite koji se finansira sredstvima fonda solidarnosti Federacije BiH u dijelu koji se odnosi na Plan obima zdravstvenih usluga za 2022. godinu.

Odluka o korištenju sredstava tekuće rezerve za 2022. godinu

Odlukom Upravnog odbora br. 02/IV-01-1-889-1/23, o korištenju sredstava tekuće rezerve za 2022. godinu, sredstva tekuće rezerve su u cjelosti raspoređena za nabavku lijekova za liječenje malignih oboljenja (citostatici) u iznosu od 3 mil. KM.


2. Prihodi Federalnog zavoda osiguranja i reosiguranja

Ukupni prihodi Federalnog zavoda u 2022. godini ostvareni su u iznosu od 214.863.163 KM i veći su za 2% ili 3,8 mil. KM u odnosu na planirane, a u odnosu na ostvarene u 2021. godini veći su za 9% ili 18,4 mil. KM.

Prihodi su ostvareni iz slijedećih izvora:

- doprinosa za obavezno zdravstveno osiguranje osiguranih lica u Federaciji BiH;
- doprinosa za zdravstvenu zaštitu ino-osiguranika (paušali);
- dodatnog doprinosa za zdravstvenu zaštitu detaširanih radnika;
- sredstava iz Budžeta Federacije BiH;
- ostalih prihoda.

Struktura prihoda Zavoda zdravstvenog osiguranja i reosiguranja FBiH u 2022. godini



Pregled prihoda po izvorima sredstava ostvarenih u 2021. godini, planiranih i ostvarenih u 2022. godini dat je u Tabeli 1.

Tabela 1.

Konto	Stavka	Ostvareno 2021.	Plan 2022.	Ostvareno 2022.	Ind (5/3)	Ind (5/4)
1	2	3	4	5	6	7
712	Doprinos za socijalnu zaštitu	163.993.997	178.750.000	182.943.326	102	112
	Prihodi od doprinosa	163.993.997	178.750.000	182.943.326	102	112
	Prihodi od doprinosa za obavezno zdravstveno osiguranje u FBiH	157.996.702	173.300.000	177.314.654	102	112
	Prihodi od doprinosa od ino osiguranika (paušali)	5.247.003	4.500.000	4.929.486	110	94
	Prihodi od dodatnog doprinosa za detaširane radnike	750.292	950.000	699.186	74	93
721	Prihodi od poduzetničkih aktivnosti, imovine i pozitivnih kursnih razlika	1.270.794	600.000	580.441	97	46
722	Naknade i pristojbe i prihodi od pružanja javnih usluga	311.324	60.000	500.140	834	161
731	Primljeni tekući transferi od međunarodnih organizacija	20.781	90.000	56.914	63	274
732	Primljeni tekući transferi od ostalih nivoa vlasti	30.628.315	31.500.000	30.781.939	98	101
	Prihodi iz Budžeta Federacije BiH	30.628.315	31.500.000	30.781.939	98	101
	Primljeni tekući transferi od Budžeta FBiH za fond solidarnosti	28.500.000	28.500.000	28.500.000	100	100
	Primljeni tekući transferi od Budžeta FBiH za liječenje povratnika u RS	2.128.315	2.000.000	2.281.939	114	107
	Ostali transferi iz Budžeta FBiH-COVID-19		1.000.000			
733	Donacije	150.467	500	403	81	
	Ukupno prihodi	196.375.678	211.000.500	214.863.163	102	109
	Izdvojena sredstva iz detašmana za sredstva rezervi detašmana		95.000			
	Ukupno raspoloživi prihodi	196.375.678	210.905.500	214.863.163	102	109
	IZDOJENA SREDSTVA NA TERET IZVORA SREDSTAVA PO ODLUKAMA U.O.	9.281.532	8.500.000			
	UKUPNO RASPOLOŽIVA SREDSTVA	205.657.210	219.405.500	214.863.163	98	104

U nastavku izvještaja data su kratka obrazloženja za prihode Federalnog zavoda ostvarene u periodu I-XII 2022 godine.

2.1. Prihodi od doprinosa

Prihode od doprinosa čine:

-) prihodi od doprinosa za obavezno zdravstveno osiguranje u Federaciji BiH,
-) prihodi od doprinosa od ino osiguranika (paušali),
-) prihodi od posebnog dodatnog doprinosa za zdravstveno osiguranje detaširanih radnika u inostranstvu.

U periodu I-XII 2022. godine ukupno ostvareni prihodi od doprinosa iznosili su 182.943.326 KM. Ovi prihodi sastoje se od:

- prihoda po osnovu doprinosa za obavezno zdravstveno osiguranje u Federaciji BiH, u iznosu od 177.314.654 KM,
- prihoda od doprinosa ino osiguranika (paušali), po međunarodnim konvencijama, u iznosu od 4.929.486 KM, i
- prihoda od dodatnog doprinosa za detaširane radnike u iznosu od 699.186 KM.

Ukupno ostvareni prihodi od doprinosa u 2022. godini veći su za 2% ili 4,1 mil. KM od planiranih, a u odnosu na ostvarene u 2021. godinu veći su za 12% ili 18,9 mil. KM.

Iako su Rebalansom Finansijskom plana (druge izmjene i dopune) za 2022. godinu prihodi od doprinosa za obavezno zdravstveno osiguranje u Federaciji BiH povećani za 7 mil. KM na osnovu podataka o ostvarenju ovih prihoda za period I-VIII 2022. godine i procjenje njihovog ostvarenja do kraja 2022. godine, ovi prihodi su ipak za 4 mil. KM ili 2% više ostvareni u odnosu na planirane po Rebalansu finansijskog plana (druge izmjene i dopune) za 2022. godinu.

Prihodi od doprinosa ino-osiguranika (paušali) u 2022. godini ostvareni su u iznosu od 4.929.486 KM i veći su za 10% ili 429.486 KM u odnosu na planirane što je nastalo zbog uplate R Slovenije i R Hrvatske, izvršene u decembru 2022. godine, po osnovu Konvencija o socijalnom osiguranju a što se nije moglo predvidjeti prilikom izrade Rebalansa finansijskog plana (druge izmjene i dopune) za 2022. godinu.

Prihodi od doprinosa za zdravstvenu zaštitu radnika na privremenom radu u inostranstvu (u daljem tekstu: detaširani radnici) u 2022. godini ostvareni su u iznosu od 699.186 KM i manji su od planiranih za 26% ili 250.814 KM, a u odnosu na ostvarene u 2021. godini manji su za 51.106 KM ili 7%.

2.2. Prihodi iz Budžeta Federacije BiH

Doznačena sredstva po osnovu transfera iz Budžeta Federacije BiH u 2022. godini su iznosila 30.781.939 KM, od čega:

-) za federalni fond solidarnosti 28.500.000 KM što je u visini planiranih za 2022. godinu
-) za liječenje povratnika iz Federacije BiH u R Srpsku od 2.281.939 KM. Iz Budžeta Federacije BiH je u 2022. godini doznačeno planiranih 2 mil. KM, a preostala sredstva u iznosu od 2.281.939 KM su obezbijeđena iz neutrošenih sredstava ovog transfera iz 2021. godine.

U vezi ostvarenja prihoda iz Budžeta Federacije BiH, međutim, potrebno je naglasiti da su ovi prihodi, koji se odnose na sredstva tekućih transfera, ostvareni u 2022. godini, kao i u svim prethodnim godinama, u znatno manjem iznosu od iznosa sredstava koja bi se po Zakonu o zdravstvenom osiguranju trebala izdvajati za federalni fond solidarnosti. Zakonom o zdravstvenom osiguranju propisana je obaveza da se iz Budžeta Federacije BiH za federalni fond solidarnosti izdvajaju sredstva u visini sredstava koja se ostvaruju iz doprinosa za obavezno zdravstveno osiguranje. Saglasno ovoj zakonskoj odredbi, iz Budžeta Federacije BiH bi trebalo izdvojiti za federalni fond solidarnosti sredstva u iznosu od cca 177 miliona KM, dakle, u visini prihoda ostvarenih od doprinosa za obavezno zdravstveno osiguranje u Federaciji BiH, a Budžetom Federacije BiH za federalni fond solidarnosti u 2022. godini odobreno je tek 17,36% od zakonom propisanog iznosa.

Pored navedenih prihoda iz Budžeta FBiH, bila su planirana namjenska sredstva u iznosu od 1 mil. KM za finansiranje usluga invanzivne i interventne kardiologije i kardiohirurgije kod pacijenata kojima su pružane usluge iz ovog programa, a uslijed posljedica izazvanih pandemijom COVID-19. Planirana sredstva su realizovana u januaru 2023. godine.

2.3. Ostali prihodi

Ostali prihodi ostvareni su u ukupnom iznosu od 1.137.898 KM, i sastoje se od:

-prihoda od poduzetničkih aktivnosti, imovine i pozitivnih kursnih razlika, u iznosu od 580.441 KM, od čega se:

-) 578.568 KM odnosi na odobreni finansijski rabat od strane dobavljača-isporučioća lijekova, te
-) 1.873 KM što se odnosi na prihod po osnovu rada čajne kuhinje u Federalnom zavodu,

-naknada, pristojbi i prihoda od pružanja javnih usluga, u iznosu od 500.140 KM, od čega se:

-) 222.477 KM odnosi na prihode na izvršene usluge dijalize ino osiguranicima,
-) 176.245 KM odnosi na naplaćena sredstva od zdravstvenih ustanova za iskazane manjkove lijekova po popisu na dan 31.12.2022. godine,
-) 60.405 KM odnosi na naplaćene garancije po osnovu neizvršenja ugovora od strane dobavljača-isporučioća lijekova,
-) 26.360 KM odnosi na prihod od detašmana za Stručnu službu, te
-) 14.653 KM što se sastoji od prihoda ostvarenog od Federalnog zavoda za zapošljavanje po osnovu projekta zapošljavanja u Federalnom zavodu zdravstvenog osiguranja u iznosu od 14.000 KM, i 653 KM po osnovu naplate premije osiguranja nastale usljed štete vozila.

-primljenih tekućih transfera od međunarodnih organizacija, u iznosu od 56.914 KM, što se odnosi na sredstva po osnovu učešća u međunarodnom projektu ADRION 1228- SI4CARE.


-prihoda od donacija u iznosu od 403 KM a odnose se na donacije lijekova od strane dobavljača-isporučioća lijekova.

3. Rashodi Federalnog zavoda osiguranja i reosiguranja

Ukupni rashodi Federalnog zavoda u 2021. godini iznosili su 230.187.515 KM i veći su za 5% ili 10,8 mil. KM u odnosu na planirane za 2022. godinu, a u odnosu na izvršene za 2021. godinu veći su za 12% ili 24,5 mil. KM.

Izvršenje finansijskog plana rashoda iskazano je po namjenama, prema ekonomskoj klasifikaciji propisanoj Kontnim planom za budžetske korisnike, a koji se primjenjuje i na vanbudžetske fondove.

Struktura rashoda Zavoda zdravstvenog osiguranja i reosiguranja FBiH u 2022. godini



Rashodi Federalnog zavoda iskazani su zbirno u Tabeli 2 koja slijedi.

Tabela 2.

Konto	Stavka	Ostvareno 2021.	Plan 2022.	Ostvareno 2022.	Ind (5/3)	Ind (5/4)
1	2	3	4	5	6	7
	Plate naknade i troškovi zaposlenih	2.323.511	2.603.000	2.345.878	101	90
6111	Bruto plaće i naknade plate	2.096.870	2.300.000	2.051.952	98	89
6112	Naknade troškova zaposlenih	226.641	303.000	293.925	130	97
	Doprinosi poslodavca i ostali doprinosi	218.784	253.000	216.435	99	86
6121	Doprinosi poslodavca	218.784	253.000	216.435	99	86
	Izdaci za materijal i usluge	203.114.916	216.449.500	227.625.202	112	105
6131	Putni troškovi	36.100	53.000	38.624	107	73
6132	Izdaci za energiju	43.825	60.000	49.775	114	83
6133	Izdaci za komunikaciju i komunalne usluge	68.726	80.000	70.733	103	88
6134	Nabavka materijala i sitnog inventara	120.409.965	126.174.500	135.738.695	113	108
	Administrativni materijal	39.978	83.350	54.433	136	65
	Medicinski potrošni materijal	18.156.456	17.266.000	17.263.730	95	100
	Lijekovi	102.213.531	108.825.150	118.420.532	116	109
6135	Izdaci za usluge prijevoza i gorivo	7.778	18.000	9.737	125	54
6136	Naknade za iznajmljivanje	0	0	2.738	125	54
6137	Izdaci za tekuće održavanje	47.557	70.000	42.921	90	61
6138	Izdaci osiguranja, bankarskih usluga i platnog prometa	46.188	209.000	167.592	363	80
6139	Ugovorene i druge posebne usluge	82.454.777	89.785.000	91.504.388	111	102
	Zdravstvene usluge u Federaciji BiH	68.963.419	74.037.550	74.287.798	108	100
	Usluge liječenja u inostranstvu	11.855.987	14.000.000	15.695.388	132	112
	Usluge liječenja detaširanih radnika	750.292	826.500	699.186	93	85
	Sufinansiranje troškova pruženih zdr. usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja	424.360	321.800	321.772	76	100
	Ostale usluge za stručnu službu	270.511	324.150	280.584	104	87
	Ostale usluge za fond solidarnosti	190.208	275.000	219.660	115	80
	UKUPNO TEKUĆI RASHODI	205.657.210	219.305.500	230.187.515	112	105
	Kapitalni izdaci	106.428	100.000	66.997	63	67
	UKUPNO RASHODI, KAP.ULAGANJA I TEKUĆA REZERVA	205.763.638	219.405.500	230.254.512	112	105
	FINANSIJSKI REZULTAT	-9.281.532	-8.305.000	-15.324.352		
	POKRIVENO NA TERET IZVORA SREDSTAVA PO ODLUKAMA U.O.	9.281.532		8.597.607		

U nastavku izvještaja daju se kratka obrazloženja za rashode Federalnog zavoda osiguranja i reosiguranja izvršene u periodu I-XII 2022. godine.

3.1. Plate, naknade i doprinosi poslodavca

3.1.1. Bruto plaće i naknade zaposlenih

Troškovi bruto plaća i naknada (neto plaća, porez na plaću, doprinosi iz plaće zaposlenog) u Stručnoj službi, u 2022. godini iznosili su ukupno 2.051.952 KM i manji su od planiranih za 11% ili 248.048 KM.

3.1.2. Naknade troškova zaposlenih

Naknade troškova zaposlenih u 2022. godini iznosile su ukupno 293.925 KM i manje su za 3% ili 9.075 KM od planiranih.

3.1.3. Doprinosi poslodavca i ostali doprinosi

Doprinosi poslodavca i ostali doprinosi u 2022. godini su iznosili 216.435 KM i manji su od planiranih za 14% ili 36.565 KM.

3.2. Izdaci za materijal i usluge

3.2.1. Putni troškovi

Izdaci za putne troškove u 2022. godini iznosili su 38.624 KM i manji su za 17% ili 14.376 KM u odnosu na planirane.

Izdaci za energiju u koje spadaju troškovi električne energije i grijanja, u 2022. godini iznosili su 49.775 KM i manji su za 10.225 KM ili 17% u odnosu na planirane.

Izdaci za komunikaciju i komunalne usluge se odnose na izdatke za vodu, odvoz smeća, održavanje čistoće, PTT usluge, izdatke za telefon, telefax, telex, internet i mobilni telefon. Ovi izdaci u 2022. godini iznosili su 70.733 KM i manji su za 12% ili 9.267 KM od planiranih.

3.2.2. Nabavka materijala

Izdaci za nabavku materijala evidentirani na kontu 613400 obuhvataju izdatke za nabavku:

-) administrativnog materijala,
-) medicinskog materijala i
-) lijekova.

Troškovi nabavke administrativnog materijala u 2022. godini iznosili su 54.433 KM i manji su za 28.917 KM ili 35% u odnosu na planirane. Ovi troškovi obuhvataju troškove kancelarijskog materijala, ostale troškove potrošnog materijala, vezane za rad Stručne službe.

Troškovi medicinskog materijala u 2022. godini iznosili su 17.263.730 KM i u visini su planiranih za 2022. godinu. Ovi troškovi obuhvataju troškove potrošnog dijaliznog materijala u iznosu od 16.718.617 KM i troškove aparata i trakica za kontrolu šećera u krvi kod djece i insulinske pumpe u iznosu od 545.113 KM. Ovi rashodi su iskazani u okviru rashoda federalnog fonda solidarnosti u dijelu koji se odnosi na lijekove i medicinska sredstva.

Detaljnija obrazloženja data su u Izvještaju o izvršenju finansijskog plana federalnog fonda solidarnosti za 2022. godinu (Anex I).

Troškovi lijekova u 2022. godini iznosili su 118.420.532 KM i veći su za 9% ili 9,5 mil. KM u odnosu na planirane za 2022. godinu, a u odnosu na izvršene u 2021. godini veći su za 16% ili 16,2 mil. KM. Ovi troškovi obuhvataju sve lijekove iz programa federalnog fonda solidarnosti, a saglasno Programu zdravstvene zaštite koji se finansira sredstvima federalnog fonda solidarnosti. Detaljnija obrazloženja data su u Izvještaju o izvršenju finansijskog plana federalnog fonda solidarnosti za 2022. godinu (Anex I).

3.2.3. Izdaci za usluge prijevoza i gorivo

Izdaci za usluge prijevoza i gorivo odnose se na izdatke za nabavku goriva za službene automobile. Ovi izdaci su u 2022. godini iznosili 9.737 KM i manji su za 46% ili 8.263 KM u odnosu na planirane, a u odnosu na izvršene za 2021. godinu veći su za 25% ili 1.959 KM.

3.2.4. Naknade za iznajmljivanje

Naknade za iznajmljivanje odnose se na naknade za iznajmljivanje printera koji se koriste u zgradi Federalnog zavoda zdravstvenog osiguranja i reosiguranja. Ovi izdaci su 2022. godini su iznosili 2.738 KM.

3.2.5. Tekuće održavanje

Izdaci za tekuće održavanje u 2022. godini iznosili su 42.921 KM i manji su za 27.079 KM u odnosu na planirane za 2022. godinu.

3.2.6. Osiguranje i bankarske usluge

Ukupni troškovi osiguranja i bankarskih usluga u 2022. godini su iznosili 167.592 KM i manji su za 20% ili 41.408 KM u odnosu na planirane za 2022. godinu.

Saglasno Odluci o kriterijima i načinu korištenja sredstava federalnog fonda solidarnosti, iznos od 96.386 KM raspoređen je na ostale rashode u funkciji provođenja programa federalnog fonda solidarnosti, s obzirom da se najveći dio platnog prometa preko banaka vrši sredstvima federalnog fonda solidarnosti.

Izdaci osiguranja i bankarske usluge u 2022. godini iznosili su 71.207 KM, od čega se na troškove bankarskih usluga odnosi 64.258 KM, a preostali iznos od 6.949 KM na troškove osiguranja zaposlenih i vozila. Ovi izdaci su 17.793 KM manji od planiranih za 2022. godinu zbog manjeg izvršenja troškova bankarskih usluga za 15.742 KM u odnosu na planirane, i manjeg izvršenja troškova osiguranja vozila i zaposlenih za 2.051 KM u odnosu na planirane.

3.2.7. Ugovorene i druge posebne usluge

Izdaci za ugovorene i druge posebne usluge u 2022. godini iznosili su ukupno 91.504.388 KM i veći su za 2% ili 1,7 mil. KM u odnosu na planirane za 2022. godinu, a u odnosu na izvršene u 2021. godini veći su za 11% ili 9 mil. KM. Ovi izdaci obuhvataju:

-) zdravstvene usluge u Federaciji BiH,
-) usluge liječenja u inostranstvu,
-) usluge liječenja detaširanih radnika,
-) sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja,
-) izdatke za Stručnu službu,
-) ostale usluge vezane za Stručnu službu, i
-) ostale usluge vezane za fond solidarnosti.

Troškovi zdravstvenih usluga u 2022. godini iznosili su 74.287.798 KM i u visini su planiranih, a u odnosu na izvršene u 2021. godini veći su za 8% ili 5,3 mil. KM. Ovi troškove odnose se na zdravstvene usluge pružene u zdravstvenim ustanovama u Federaciji BiH u iznosu od 72.013.988 KM, i na program bolničkog liječenja povratnika u RS u iznosu od 2.273.810 KM.

Troškovi zdravstvenih usluga liječenja u inostranstvu, u skladu sa Pravilnikom o uslovima i postupku upućivanja osiguranih lica na liječenje u inostranstvu, izvršeni su u 2022. godini u iznosu od 15.695.388 KM i veći su za 12% ili 1,69 mil. KM u odnosu na planirane, a u odnosu na izvršene u 2021. godini veći su za 32% ili 3,8 mil. KM.

Rashodi za zdravstvene usluge koje se finansiraju sredstvima federalnog fonda solidarnosti detaljno su obrazloženi u Izvještaju o izvršenju finansijskog plana federalnog fonda solidarnosti za 2022. godinu (Anex I).

Troškovi zdravstvene zaštite detaširanih radnika izvršeni su u 2022. godini u iznosu od 699.186 KM i manji su od planiranih za 15% ili 127.314 KM, a u odnosu na izvršene u 2021. godini manji su za 7% ili 51.106 KM.

Pravilnikom o načinu ostvarivanja prava iz obaveznog zdravstvenog osiguranja („Sl. novine Federacije BiH“, br.20/19) utvrđeni su uslovi pod kojim osigurana osoba može ostvariti pravo na sufinansiranje troškova pruženih zdravstvenih usluga, nabavke lijekova i medicinskih sredstava tokom kalendarske godine, a koje se ne finansira sredstvima zavoda zdravstvenog osiguranja. Po ovom osnovu je u 2022. godini izvršeno troškova u iznosu od 321.772 KM što je u visini planiranih, a u odnosu na izvršene u 2021. godini manji su za 24% ili 102.588 KM. Detaljnija obrazloženja data su u Izvještaju o izvršenju Finansijskog plana federalnog fonda solidarnosti za 2022. godinu (Anex I).

Izdaci za ostale usluge vezane za rad Stručne službe u 2022. godini iznosili su 280.584 KM i manji su za 13% ili 43.566 KM od planiranih, a u odnosu na izvršene u 2021. godini veći su za 4% ili 10.073 KM. Ovi izdaci se odnose na:

-) naknade članovima Upravnog odbora 124.152 KM,
-) usluge učešća u međunarodnom projektu 52.683 KM,
-) ostale rashode 27.220 KM,
-) usluge obezbjeđenja i zaštite poslovne zgrade Federalnog zavoda osiguranja i reosiguranja 23.943 KM,
-) ugovori o privremenim i povremenim poslovima 23.730 KM,
-) troškove reprezentacije 20.946 KM, i
-) sistematski pregled zaposlenih 7.910 KM.

Naknade Upravnog odbora su isplaćivane saglasno Odluci Vlade Federacije BiH, o visini naknade za rad predsjednika i članova upravnih i nadzornih odbora zdravstvenih ustanova u vlasništvu Federacije BiH, odnosno jednog ili više kantona i Federacije BiH, zajedno. Navedenom odlukom visina naknada za predsjednika i članove upravnog odbora je limitirana na iznos od prosječne plaće Federacije BiH za predsjednika i 80% od prosječne plaće Federacije BiH za članove upravnog odbora, a isplata se vrši samo za one mjesece u kojima predsjednik i članovi Upravnog odbora učestvuju u radu Upravnog odbora.

Zavod zdravstvenog osiguranja i reosiguranja Federacije BiH učestvuje kao projektni partner iz BiH u projektima iz trećeg poziva (3CfP) u okviru programa ADRION 2014-2020. Sporazum o partnerstvu potpisan je u svrhu implementacije projekta ADRION 1228- SI4CARE, kojeg finansira Program Interreg Adrion. Dokumentom „Application Form“ definisan je način stvaranja obaveza, pravdanja i izvještavanja o utrošenim sredstvima. Kontrolu nad utrošenim sredstvima za izvještajni period od 1.1.- 31.12.2022. godine izvršio je državni kontrolor Ministarstva finansija i trezora Bosne i Hercegovine, koji je izdao i certifikat o odobrenju.

Izdaci za ostale usluge vezane za fond solidarnosti odnose se na ostale troškove u funkciji provođenja programa federalnog fonda solidarnosti, saglasno Odluci o kriterijima i načinu korištenja sredstava federalnog fonda solidarnosti Federacije BiH („Sl. novine Federacije BiH“, br. 22/02). Ovi izdaci u 2022. godini su iznosili 219.660 KM i manji su za 20% ili 55.340 KM od planiranih, zbog, najvećim dijelom, manjeg izvršenja troškova komisija u odnosu na planirane. Ovi izdaci se odnose na izdatke stručnih komisija za provođenje programa fonda solidarnosti u iznosu od 211.334 KM, i na izdatke za objavu tendera za javne nabavke u iznosu od 8.326 KM.

3.2.8. Kapitalni izdaci

U skladu sa Planom javnih nabavki i Rebalansom finansijskog plana za 2022. godinu planirani su kapitalni izdaci, u iznosu od 100.000 KM.

Ovi izdaci su u 2022. godini izvršeni u iznosu od 66.997 KM što je 33% ili 33.003 KM manje od planiranih, a u odnosu na izvršene u 2021. godini manji su 37% ili 39.431 KM.

Kapitalni izdaci su pokriveni na teret akumuliranog viška prihoda nad rashodima iz prethodnih godina.

3.2.9. Tekuća rezerva

Rebalansom finansijskog plana za 2022. godinu planirana je tekuća rezerva u ukupnom iznosu od 3.000.000 KM. Ista je formirana na teret doprinosa za obavezno zdravstveno osiguranje u Federaciji BiH, a njeno trošenje je definisano u skladu sa Odlukom o načinu izvršavanja Finansijskog plana za 2022. godinu.

Odlukom Upravnog odbora Federalnog zavoda o korištenju sredstava tekuće rezerve rashoda za 2022. godinu, br.02/IV-01-1-889-1/23 od 27.02.2023. godine, iznos tekuće rezerve planiran Rebalansom finansijskog plana za 2022. godinu u ukupnom iznosu od 3 mil. KM raspodijeljen je u cjelosti za nabavku lijekova za liječenje malignih oboljenja (citostatici).

4. Finansijski rezultat

Zavod zdravstvenog osiguranja i reosiguranja Federacije BiH je u 2022. godini iskazao višak rashoda nad prihodima u iznosu od 15.324.352 KM koji će se pokriti, saglasno tački V Odluke o usvajanju Godišnjeg obračuna za 2022. godinu, u iznosu od 8.597.607 KM, iz sredstava akumuliranog viška prihoda nad rashodima iz prethodnih godina.

Nakon navedenog pokrića dijela gubitka, Zavod zdravstvenog osiguranja i reosiguranja Federacije BiH je u 2022. godini iskazao višak rashoda nad prihodima u iznosu od 6.726.745 KM i za čije pokriće će se, saglasno tački VI Odluke o usvajanju Godišnjeg obračuna za 2022. godinu, u 2023. godini donijeti Sanacioni plan.

5. Broj i struktura zaposlenih

Ukupan broj zaposlenih u Federalnom zavodu osiguranja i reosiguranja zaključno sa 31.12.2022. godine bio je 50

U narednoj tabeli dat je pregled zaposlenih prema kvalifikacionoj strukturi.

Stručna sprema	Broj zaposlenih na dan 31.12.2021. g.	Broj zaposlenih na dan 31.12.2022.g.
VSS	29	29
VŠS	3	3
SSS	14	14
VKV	1	1
KV	3	3
Ukupno	50	50

6. Sažetak

U toku 2022. godine poslovanje Federalnog zavoda karakterišu slijedeće aktivnosti i dokumenti:

1. Upravni odbor Federalnog zavoda je, u skladu sa Zakonom o budžetima u Federaciji BiH, usvojio Finansijski plan Federalnog zavoda za 2022. godinu. S obzirom da nije bilo izvjesno da li će Finansijski plan Federalnog zavoda za 2022. godinu biti usvojen od strane zakonodavnih organa do kraja 2022. godine, Upravni odbor Federalnog zavoda je na sjednici od 23.12.2021. godine donio Odluku o privremenom finansiranju Federalnog zavoda za period 01.01.-31.03.2022. godine.

Na Finansijski plan Federalnog zavoda za 2022. godinu, Parlament Federacije BiH dao je saglasnost („Sl.novine Federacije BiH“, br. 8/22 od 04.02.2022. godine).

2. U junu 2022. godine, sačinjene su Izmjene i dopune Finansijskog plana za 2022. godinu (Rebalans). Izradi ovog dokumenta se pristupilo zbog, najvećim dijelom, planiranog rasta prihoda od doprinosa za obavezno zdravstveno osiguranje u Federaciji BiH, kao i uključivanja sredstava akumuliranog viška prihoda nad rashodima iz prethodnog perioda u iznosu od 8,5 mil. KM. Po Rebalansu finansijskog plana za 2022. godinu, ukupni prihodi su povećani za 10.094.000 KM u odnosu na planirane po Finansijskom planu za 2022. godinu, od čega se najznačajnije povećanje odnosi na povećanje prihoda od doprinosa za obavezno zdravstveno osiguranje u Federaciji BiH za 10 mil. KM, te povećanje po osnovu prihoda od finansijskih rabata od strane dobavljača-isporučioća lijekova, za 94.000 KM.

Rebalansom finansijskog plana za 2022. godinu planirano je povećanje izdataka za materijal i usluge, u ukupnom iznosu od 16.696.350 KM, od čega se 11.013.000 KM odnosi na povećanje lijekova, 5,4 mil. KM na povećanje zdravstvenih usluga u Federaciji BiH, 250.000 KM na povećanje rashoda sufinansiranja troškova po Pravilniku, 17.350 KM na povećanje troškova za administrativni materijal, 10.000 KM na povećanje izdataka za energiju, i 6.000 KM na povećanje izdataka za gorivo.

Ovim rebalansom planirano je smanjenje kapitalnih izdataka za 2.350 KM, te su planirana sredstva tekuće rezerve u iznosu od 3 mil. KM.

Ostale pozicije rashoda planiranih po Rebalansu finansijskog plana za 2022. godinu ostale su na nivou planiranih po Finansijskom planu za 2022. godinu.

Na Izmjene i dopune Finansijskog plana (Rebalans) Federalnog zavoda za 2022. godinu, Parlament Federacije BiH dao je saglasnost („Sl.novine Federacije BiH“, br. 62/22 od 05.08.2022. godine).

3. U novembru 2022. godine sačinjene su Izmjene i dopune Finansijskog plana za 2022. godinu (Rebalans-druge izmjene i dopune). Izradi ovog dokumenta se pristupilo, najvećim dijelom, zbog, posmatrano u odnosu na prvi Rebalans, planiranog povećanja prihoda od doprinosa doprinosa za obavezno zdravstveno osiguranje u Federaciji BiH za 7 mil. KM, zatim zbog povećanja prihoda od ino-osiguranih (paušali) za 900.000 KM, te zbog planiranja povećanja prihoda od finansijskih rabata od strane dobavljača-isporučioća lijekova za 400.000 KM. Takođe, primljeni tekući transferi drugih nivoa vlasti povećani su za 1 mil. KM, a na osnovu odluke Vlade Federacije BiH kojom se odobrava raspodjela sredstava za finansiranje usluga invazivne i interventne kardiologije kod pacijenata kojima su pružene usluge iz ovog programa, a usljed posljedica izazvanih pandemijom COVID-19. Prihodi od donacija su povećani i planirani su u iznosu od 500 KM.

Rebalansom finansijskog plana (druge izmjene i dopune) za 2022. godinu planirano je povećanje izdataka za materijal i usluge u ukupnom iznosu od 9.300.500 KM, od čega se 4.300.500 KM odnosi na povećanje izdataka za lijekove i potrošni medicinski materijal, a 5 mil. KM odnosi na povećanje rashoda za zdravstvene usluge u zdravstvenim ustanovama

u Federaciji BiH. Ostale pozicije rashoda ostale su na nivou planiranih po izmjenama i dopunama Finansijskog plana za 2022. godinu.

Na izmjene i dopune Finansijskog plana (Rebalans-druge izmjene i dopune) Federalnog zavoda za 2022. godinu, Parlament Federacije BiH dao je saglasnost („Sl.novine Federacije BiH“, br. 06/23 od 27.01.2023. godine).

4. Upravni odbor Federalnog zavoda je na sjedinici održanoj 27.02.2023. godine, donio:

-odluku o preraspodjeli sredstava unutar pozicija rashoda za zdravstvenu zaštitu koja se finansira sredstvima fonda solidarnosti Federacije BiH za 2022. godinu, u ukupnom iznosu od 2.848.350 KM, i

-odluku o korištenju sredstava tekuće rezerve za 2022. godinu u iznosu od 3 mil. KM,

5. Ukupni prihodi Federalnog zavoda u 2022. godini iznosili su 214.863.163 KM i veći su za 2% ili 3,8 mil. KM u odnosu na planirane za 2022. godinu, a u odnosu na ostvarene u 2021. godini veći su za 9% ili 18,4 mil. KM.

Struktura prihoda Federalnog zavoda ostvarenih u 2022. godini je slijedeća:

-) Prihodi od doprinosa za obavezno zdravstveno osiguranje u Federaciji BiH ostvareni su u iznosu od 177.314.654 KM i veći su za 2% ili 4 mil. KM u odnosu na planirane za 2022. godinu, a u odnosu na ostvarene u 2021. godini veći su za 12% ili 19,3 mil. KM. Prihodi od doprinosa za obavezno zdravstveno osiguranje u Federaciji BiH ostvareni u 2022. godini čine 82,52% ukupnih prihoda
-) Prihodi iz Budžeta Federacije BiH koji se odnose na redovna sredstva transfera su drugi najznačajniji izvor prihoda. Ovi prihodi su ostvareni u iznosu od 30.781.939 KM i čine 14,33% ukupnih prihoda
-) Prihodi od doprinosa od ino osiguranika (paušali) ostvareni su u iznosu od 4.929.486 KM i veći su za 10% ili 429.486 KM u odnosu na planirane za 2022. godinu zbog uplate R Slovenije i R Hrvatske, izvršene u decembru 2022. godine, po osnovu Konvencija o socijalnom osiguranju a što se nije moglo predvidjeti prilikom izrade Rebalansa finansijskog plana (druge izmjene i dopune) za 2022. godinu. Ovi prihodi čine 2,29% ukupnih prihoda
-) Prihodi od dodatnog doprinosa za detaširane radnike ostvareni su u iznosu od 699.186 KM i čine 0,33% ukupnih prihoda
-) Ostali prihodi ostvareni su u iznosu od 1.137.898 KM i čine 0,53% ukupnih prihoda

6. Ukupni rashodi Federalnog zavoda u 2022. godini iznosili su 230.187.515 KM i veći su od planiranih za 5% ili 10,8 mil. KM, a u odnosu na izvršene u 2021. godini veći su za 12% ili 24,5 mil. KM. Struktura rashoda Federalnog zavoda izvršenih u 2022. godini je slijedeća:

-) Rashodi federalnog fonda solidarnosti izvršeni u 2022. godini čine 98,04% ukupnih rashoda Federalnog zavoda, i sastoje se od:
 - troškova lijekova u iznosu od 118.420.532 KM koji ujedno čine 51,45% ukupnih rashoda Federalnog zavoda. Ovi troškovi su veći za 9% ili 9,5 mil. KM u odnosu na planirane za 2022. godinu, a u odnosu na izvršene za 2021. godinu veći su za 16% ili 16,2 mil. KM,
 - rashoda za zdravstvene usluge (u Federaciji BiH, uključujući program povratnika u RS) u iznosu od 74.287.798 koji ujedno čine 32,27% ukupnih rashoda Federalnog zavoda. Ovi rashodi su veći za 250.248 KM u odnosu na planirane za 2022. godinu, a u odnosu na izvršene za 2021. godinu veći su za 8% ili 5,3 mil. KM,

-troškovi medicinskog materijala su iznosili 17.263.730 KM i čine 7,5% ukupnih rashoda Federalnog zavoda. Ovi troškovi su izvršeni u visini planiranih za 2022. godinu, a u odnosu na izvršene za 2021. godinu manji su za 5% ili 892.726 KM,

-troškovi liječenja u inostranstvu su iznosili 15.695.388 KM i čine 6,82% ukupnih rashoda Federalnog zavoda. Ovi troškovi veći su za 12% ili 1,69 mil. KM u odnosu na planirane za 2022. godinu, a u odnosu na izvršene za 2021. godinu veći su za 32% ili 3,8 mil. KM,

-) Rashodi detaširanih radnika iskazani su u iznosu od 699.186 KM i čine 0,30% ukupnih rashoda Federalnog zavoda. Ovi rashodi su za 15% ili 127.314 KM manji od planiranih za 2022. godinu, a u odnosu na izvršene za 2021. godinu veći su za 7% ili 51.106 KM,
-) Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja iskazano je u iznosu od 321.772 KM i čine 0,14% ukupnih rashoda Federalnog zavoda. Ovi troškovi su za 36% ili 178.228 KM manji od planiranih za 2022. godinu, a u odnosu na izvršene za 2021. godinu manji su za 24% ili 102.588 KM,
-) Rashodi Stručne službe i ostali rashodi federalnog fonda solidarnosti izvršeni su u iznosu od 3.499.108 KM i čine 1,52% ukupnih rashoda Federalnog zavoda. Ovi rashodi manji su za 13% ili 529.392 KM u odnosu na planirane za 2022. godinu, a u odnosu na izvršene u 2021. godini veći su za 6% ili 205.943 KM.

Federalni zavod osiguranja i reosiguranja je po Godišnjem obračunu za 2022. godinu iskazao višak rashoda nad prihodima u iznosu od 15.324.352 KM koji će se, dijelom, u iznosu od 8.597.607 KM, pokriti iz sredstava akumuliranog viška prihoda nad rashodima iz prethodnih godina. Nakon pokrića dijela gubitka, po Godišnjem obračunu za 2022. godinu, Federalni zavod osiguranja i reosiguranja iskazao je višak rashoda nad prihodima u iznosu od 6.726.745 KM za čije pokriće će se u 2023. godini donijeti Sanacioni plan.



BOSNA I HERCEGOVINA / FEDERACIJA BOSNE I HERCEGOVINE
ZAVOD ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE
BOSNIA AND HERZEGOVINA / FEDERATION OF BOSNIA AND HERZEGOVINA
FBIH INSTITUTE FOR HEALTH INSURANCE AND REINSURANCE

**ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE**

Anex I

**IZVJEŠTAJ O IZVRŠENJU FINANSIJSKOG PLANA RASHODA
PLANA FEDERALNOG FONDA SOLIDARNOSTI ZA 2022. GODINU**

Sarajevo, april 2023. godine

Sadržaj

1. Uvod.....	1
2. Aktivnosti Federalnog zavoda osiguranja i reosiguranja u 2020. godini	1
2.1. Aktivnosti Stručne službe u 2021. godini vezane za federalni fond solidarnosti	1
2.2. Rad stručnih komisija u funkciji provođenja Programa zdravstvene zaštite koji se finansira sredstvima federalnog fonda solidarnosti u 2021. godini	2
3. Rashodi federalnog fonda solidarnosti	3
4. Rashodi zdravstvenih usluga u FBiH.....	6
4.1. Usluge hronične i akutne hemodijalize	7
4.2. Prijevoz na hemodijalizu	8
4.3. Usluge radioterapije kod malignih oboljenja.....	8
4.4. Usluge dijagnostičkih pretraga na hepatitis C i težih oblika hepatitisa B	9
4.5. Ugradnja kohlearnog implantata kod djece	9
4.6. Usluge humane reprodukcije lica sa invaliditetom.....	9
4.7. Usluge dobrovoljnog, anonimnog i besplatnog savjetovanja i testiranja na HIV/AIDS.....	10
4.8. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	10
4.9. Usluge iz oblasti kardiologije i kardiohirurgije u Federaciji BiH	10
4.10. Usluge iz oblasti neurohirurgije u Federaciji BiH	11
4.11. Usluge iz oblasti ortopedije i traumatologije	11
4.12. Usluge iz oblasti torakohirurgije	11
4.13. Usluge iz oblasti transplantologije	12
4.14. Visokodozna terapija radioaktivnim jodom J-132	12
4.15. Usluge PET/CT	12
4.16. Usluge iz oblasti vaskularne hirurgije i invazivno-interventnih procedura na krvnim sudovima	13
4.17. Najsloženiji oblici zdravstvene zaštite iz oblasti urologije	13
4.18. Terapija hiperbaričnom komorom.....	13
5. Lijekovi i potrošni medicinski materijal.....	13
5.1. Citostatici	16
5.2. Lijekovi za dijalizu	17
5.3. Potrošni materijal za dijalizu	17
5.4. Lijekovi za liječenje oboljelih od hemofilije	18
5.5. Humani imunoglobulini.....	18
5.6. Lijekovi za hepatitis B i C	18
5.7. Lijekovi za liječenje multiple skleroze.....	18
5.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa)	18
5.9. Lijekovi za liječenje plućne hipertenzije.....	18
5.10. Lijekovi za liječenje tuberkuloze	18
5.11. Antiretrovirusni lijekovi za liječenje oboljelih HIV/AIDS	18
5.12. Lijekovi za profilaksu respiratornog sincicijalnog virusa	19

5.13. Nabavka aparata i traka za kontrolu šećera u krvi kod djece	19
5.14. Imunosupresivni lijekovi	19
6. Bolničko liječenje povratnika iz Federacije BiH u općine u R Srpskoj	19
7. Program liječenja u inostranstvu	19
8. Ostali rashodi u funkciji provođenja programa federalne solidarnosti	20
9. Sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja.....	21
10. PRILOZI	22

1. Uvod

U skladu sa odredbama Zakona o budžetima u Federaciji BiH ("Službene novine Federacije BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22), odredbama Zakona o izvršavanju Budžeta Federacije BiH za 2022. godinu („Službene novine Federacije BiH“, 25/22), odredbama Pravilnika o finansijskom izvještavanju i godišnjem obračunu Budžeta u Federaciji BiH ("Službene novine Federacije BiH", broj: 69/14, 14/15, 4/16 i 19/18), odredbama člana 100 i člana 104 Zakona o zdravstvenom osiguranju ("Službene novine Federacije BiH", br. 30/97, 07/02, 70/08 i 48/11), Odluci o utvrđivanju Osnovnog paketa zdravstvenih prava ("Službene novine Federacije BiH", br. 21/09) i Odluci o kriterijima i načinu korištenja sredstava Fonda solidarnosti Federacije BiH ("Službene novine Federacije BiH", br. 22/02 i 11/05), Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja) je sačinio Izvještaj o izvršenju Finansijskog plana rashoda Fonda solidarnosti Federacije BiH, za 2022. godinu.

U Izvještaju o izvršenju rashoda Fonda solidarnosti Federacije BiH za 2022. godinu (u daljem tekstu: federalni fond solidarnosti), prezentirani su podaci i pokazatelji o poslovanju federalnog fonda solidarnosti kao i informacije o aktivnostima koje su provedene u toku 2022. godine, a koje se odnose na realizaciju programa federalnog fonda solidarnosti.

Prezentiranim podacima i informacijama obezbjeđuje se potpun uvid u cjelokupno poslovanje federalnog fonda solidarnosti kako po pitanju prikupljenih sredstava, tako i potrošnje koja se iskazuje visinom troškova za lijekove i zdravstvene usluge, te po zdravstvenim ustanovama koje provode programe i kantonima kojima pripadaju liječeni pacijenti - osigurana lica.

2. Aktivnosti Federalnog zavoda osiguranja i reosiguranja u 2022. godini

2.1. Aktivnosti Stručne službe u 2022. godini vezane za federalni fond solidarnosti

U cilju obezbjeđivanja uvjeta za nesmetano funkcionisanje i poslovanje federalnog fonda solidarnosti u 2022. godini, Stručna služba je provela sve potrebne pripremne radnje i aktivnosti, a kao najznačajnije ističu se slijedeće:

-) Donošenje Programa zdravstvene zaštite sa Planom obima zdravstvenih usluga koji se finansira sredstvima federalnog fonda solidarnosti za 2022. godinu;
-) Donošenje Finansijskog plana federalnog fonda solidarnosti za 2022. godinu;
-) Donošenje Rebalansa finansijskog plana za 2022. godinu (I i II rebalans);
-) Donošenje plana rada Zavoda zdravstvenog osiguranja i reosiguranja Federacije BiH za 2022. godinu;
-) Donošenje Trogodišnjeg plana rada Zavoda zdravstvenog osiguranja i reosiguranja Federacije BiH, za period 2023-2025. godine;
-) Rad stručnih i ostalih komisija u funkciji provođenja Programa zdravstvene zaštite federalnog fonda solidarnosti u 2022. godini;
-) Praćenje primjene stručno-medicinskih uputstava za korištenje lijekova i pružanje zdravstvenih usluga koje se finansiraju sredstvima federalnog fonda solidarnosti;

-) Aktivnosti Upravnog odbora i Stručne službe Federalnog zavoda osiguranja i reosiguranja provedene u cilju realizacije Programa zdravstvene zaštite koji se finansira sredstvima federalnog fonda solidarnosti, za 2022. godinu;
-) Praćenje izvršenja planiranog i ugovorenog obima zdravstvenih usluga i programa koji se finansiraju sredstvima federalnog fonda solidarnosti u 2022. godini,
-) Utvrđivanje cijena zdravstvenih usluga koje se finansiraju sredstvima federalnog fonda solidarnosti;
-) Učešće u provođenju postupaka javnih nabavki i nabavka lijekova i potrošnih medicinskih materijala;
-) Praćenje ostvarenja prihoda od doprinosa iz obaveznog zdravstvenog osiguranja.

2.2. Rad stručnih komisija u funkciji provođenja Programa zdravstvene zaštite koji se finansira sredstvima federalnog fonda solidarnosti u 2022. godini

Prava osiguranih lica na zdravstvene usluge, lijekove i programe koji se finansiraju sredstvima federalnog fonda solidarnosti definisana su Programom zdravstvene zaštite za 2022. godinu. Za ostvarivanje prava utvrđenih Programom zdravstvene zaštite, saglasnosti za upućivanje na liječenje na teret sredstava federalnog fonda solidarnosti izdaju nadležne stručne komisije imenovane od strane Federalnog ministarstva zdravstva i Federalnog zavoda osiguranja i reosiguranja.

Za pružanje zdravstvenih usluga i korištenje lijekova na teret sredstava federalnog fonda solidarnosti u 2022. godini, saglasnost su izdavale slijedeće komisije:

-) Komisije za liječenje osiguranih lica Federacije BiH imenovane pri kantonalnim zavodima zdravstvenog osiguranja;
-) Komisija za liječenje oboljelih od hepatitisa C, hepatitisa B i Chronove bolesti;
-) Komisija za liječenje oboljelih od multipla skleroze;
-) Komisija za liječenje imunosupresivima;
-) Komisije za liječenje citostaticima sa posebnim režimom propisivanja;
-) Komisija za liječenje oboljelih od melanoma;
-) Komisija za ugradnju kohlearnog implantata kod djece;
-) Komisija za upućivanje na liječenje u inostranstvo;
-) Komisija za liječenje oboljelih od HIV/AIDS-a i
-) Komisija za liječenje oboljelih od hemofilije;
-) Komisija za izdavanje saglasnosti za pružanje usluga elektrofiziološko ispitivanje srca i elektrofiziološko ispitivanje srca sa radiofrekventnom ablacijom;

Izdavanje saglasnosti za ostvarivanje prava na usluge i lijekove iz programa federalnog fonda solidarnosti vrši se u skladu sa uputstvima donesenim od strane Federalnog ministarstva zdravstva i Federalnog zavoda osiguranja i reosiguranja.


3. Rashodi federalnog fonda solidarnosti

Ukupni rashodi federalnog fonda solidarnosti u 2022. godini iznosili su 226.305.267 KM bili su veći za 5% ili 11.459.767KM od planiranih.


Struktura rashoda fonda solidarnosti je bila:

-) rashodi zdravstvenih usluga pruženih u zdravstvenim ustanovama u Federaciji BiH 72.013.988 KM,
-) rashodi lijekova i medicinskih sredstava 135.684.263 KM,
-) rashodi liječenja povratnika iz FBiH u RS 2.273.810 KM,
-) rashodi za liječenje u zdravstvenim ustanovama u inostranstvu 15.695.388 KM;
-) sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja 321.772 KM;
-) ostali rashode u funkciji provođenja programa federalnog fonda solidarnosti 316.047 KM.

Struktura rashoda Fonda solidarnosti u 2022. godini



Rashodi fonda solidarnosti u 2022. godini posmatrano po kantonima



Rashodi fonda solidarnosti po programima u 2022. godini

R. br.	RASHODI	Izvršenje 2021.	Finansijski plan 2022.	Izvršenje I-XII 2022.	Ind (5/4)	Ind (5/3)
1	2	3	4	5	6	7
I	ZDRAVSTVENE USLUGE	66.835.104	72.037.550	72.013.988	100	108
1	Hronična, akutna hemodijaliza i peritonealna dijaliza	6.320.587	6.000.000	5.998.491	100	95
2	Prijevoz na hemodijalizu	1.613.560	1.850.000	1.845.056	100	114
3	Radioterapija kod malignih oboljenja	6.617.753	7.462.000	7.459.541	100	113
4	Dijagnostičke pretrage za dijagnosticiranje hepatitisa B i C	127.211	108.300	108.260	100	85
5	Ugradnja kohlearnog implantata kod djece	106.981	378.000	376.967	100	352
6	Humana reprodukcija lica sa invaliditetom	0	9.000	9.000	100	
7	Usluge dobrovoljnog, anonimnog i besplatnog savjetovanja i testiranja na HIV/AIDS	83.031	122.200	122.170	100	147
8	Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	167.741	205.000	204.938	100	122
9	Kardiologija i kardiohirurgija u FBiH	38.710.780	42.000.000	41.993.906	100	108
10	Neurohirurgija u FBiH	4.479.063	4.898.000	4.897.001	100	109
11	Ortopedija i traumatologija	480.581	682.000	681.631	100	142

12	Torakohirurgija	407.752	691.500	687.294	99	169
13	Transplantacija (priprema za transplantaciju sa transplantacijom jetre, bubrega, koštane srži, rožnice)	2.732.311	2.271.200	2.271.469	100	83
14	Nuklearna medicina - visokodozna terapija karcinoma štitnjače radioaktivnim jodom J-132	230.934	264.200	264.183	100	114
16	Usluge PET/CT za djecu do navršenih 18 godina starosti	4.688	14.850	14.811	100	316
17	Vaskularna hirurgija	4.551.331	4.846.000	4.844.007	100	106
18	Najsloženiji oblici zdravstvene zaštite iz oblasti urologije (inplantacija vještačkog sfinktera uretre i cistektomija sa supravezikalnom derivacijom)	150.800	165.300	165.300	100	110
19	Terapija hiperbaričnom komorom	50.000	70.000	69.964	100	140
II	LIJEKOVI I POTROŠNI MEDICINSKI MATERIJAL	120.369.987	126.091.150	135.684.263	108	113
20	Citostatici	68.943.857	73.045.150	82.647.538	113	120
21	Lijekovi za dijalizu	5.968.218	5.405.000	5.404.633	100	91
22	Potrošni materijal za dijalizu	17.508.205	16.720.000	16.718.617	100	95
23	Lijekovi za liječenje oboljelih od hemofilije	9.206.738	7.930.000	7.928.056	100	86
24	Humani imunoglobulin	637.031	723.000	722.982	100	113
25	Lijekovi za liječenje oboljelih od hepatitisa B i C	2.750.275	3.665.000	3.664.857	100	133
26	Lijekovi za liječenje Multiple skleroze	6.296.918	8.156.000	8.155.247	100	130
27	Lijekovi za liječenje upalnih bolesti debelog crijeva (Chronove bolesti i ulceroznog kolitisa)	3.582.947	4.797.000	4.795.486	100	134
28	Lijekovi za liječenje plućne hipertenzije	202.279	164.000	163.692	100	81
29	Lijekovi za liječenje tuberkuloze	85.575	97.000	96.762	100	113
30	Antiretrovirusni lijekovi za liječenje oboljelih od HIV/AIDS	1.246.507	1.869.000	1.868.548	100	150
31	Program profilakse respiratornog sincicijalnog virusa (RSV) ugroženih grupa djece palivizumabom u F BiH	1.385.376	945.000	944.152	100	68
32	Nabavka traka i aparata za kontrolu dijabetesa	648.251	546.000	545.113	100	84
33	Imunosupresivni lijekovi nakon transplantacije organa	1.907.810	2.029.000	2.028.579	100	106
III	RASHODI NA TERET NAMJENSKIH TRANSFERA IZ BUDŽETA FBIH	2.128.315	2.000.000	2.273.810	114	107
34	Bolničko liječenje povratnika iz FBiH u općine u RS	2.128.315	2.000.000	2.273.810	114	107
IV	LIJEČENJE U INOSTRANSTVU	11.855.987	14.000.000	15.695.388	112	132
35	Program liječenja u inostranstvu	11.855.987	14.000.000	15.695.388	112	132

V	OSTALI RASHODI U FUNKCIJI PROVOĐENJA PROGRAMA SOLIDARNOSTI					
		213.522	395.000	316.047	80	148
37	Ostali rashodi u funkciji provođenja programa solidarnosti	213.522	395.000	316.047	80	148
VI	Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja					
		424.360	321.800	321.772	100	76
38	Refundacije troškova liječenja	424.360	321.800	321.772	100	76
VII	RASHODI ZA IZVRŠENJE PROGRAMA FEDERALNE SOLIDARNOSTI (I+II+III+IV+V+VI)	201.827.274	214.845.500	226.305.267	105	112


4. Zdravstvene usluge

Zavod zdravstvenog osiguranja i reosiguranja u 2022. godini zaključio je ugovore sa 14 zdravstvenih ustanova i to sa 9 javnih i 5 privatnih zdravstvenih ustanova.

Ugovori za finansiranje usluga iz programa fonda solidarnosti su zaključeni sa: UKC Sarajevo, SKB Mostar, UKC Tuzla, KB Zenica, KB Bihać, Zavod za javno zdravstvo Orašje, KB „Dr Safet Mujić“ Mostar, Zavod za transfuzijsku medicinu FBiH, OB „Abdulah Nakaš“ Sarajevo, SB „Medical Institute Bayer“ Tuzla, Centar za srce KM Sarajevo, PZU Poliklinika Vitalis Mostar, Specijalna bolnica Dr Solaković i Plava poliklinika Tuzla.


Rashodi za zdravstvene usluge koje su pružene u zdravstvenim ustanovama u Federaciji BiH sa kojima su zaključeni ugovori u 2022. godini su iznosili 72.013.988 KM. Posmatrano u odnosu na 2021. godinu rashodi zdravstvenih usluga su bili veći za 8%.

Rashodi zdravstvenih usluga u periodu 2018.-2022. godina




U strukturi rashoda zdravstvenih usluga najveće učešće u 2022. godini je zabilježio program kardiologije i kardiohirurgije i to 58,31% dok se na ostale programe odnosi 41,69%.

Struktura rashoda zdravstvenih usluga u 2022. godini



Rashodi zdravstvenih usluga fonda solidarnosti posmatarno po kantonima u 2022. godini



4.1. Usluge hronične i akutne hemodijalize

Usluge dijalize podrazumijevaju troškove rada medicinskog tima u pružanju usluga dijalize i troškove toplog obroka. Za troškove rada medicinskog tima utvrđene su cijene po jednoj dijalizi na osnovu važećih standarda i normativa zdravstvene zaštite u iznosu od 35 KM po jednoj dijalizi. Troškovi toplog obroka za bolesnike tokom dijaliznog tretmana utvrđeni su u iznosu od 4 KM po jednoj dijalizi.

Izvršene usluge dijalize plaćaju se na osnovu izvršenog obima usluga dijalize, a prema utvrđenim cijenama po jednoj dijalizi, za koje zdravstvene ustanove - dijalizni centri ispostavljaju mjesečne fakture.

Usluge hemodijalize pružale su se u 14 dijaliznih centara organizovanih u zdravstvenim ustanovama na području Federacije BiH sa kojima je Federalni zavod osiguranja i reosiguranja zaključio ugovore o provođenju navedenog programa.

Usluge hemodijalize su pružane u sljedećim dijaliznim centrima:

-) Sveučilišna klinička bolnica Mostar
-) Kantonalna bolnica Zenica
-) Kantonalna bolnica „Dr. Irfan Ljubijankić“ Bihać
-) UKC Tuzla
-) Klinički centar Univerziteta Sarajevo
-) Županijska bolnica Orašje
-) Kantonalna bolnica Travnik
-) Opća bolnica Tešanj
-) Opća bolnica "Dr. Mustafa Beganović" Gračanica
-) Dom zdravlja Živinice
-) Opća bolnica Konjic
-) Županijska bolnica "Fra Mihovil Sučić" Livno
-) Dom zdravlja Bugojno
-) Dom zdravlja Cazin

Ukupni rashodi usluga hronične i akutne dijalize u 2022. godini iznosili su 5.998.491 KM. Izvršeno je ukupno 153.727 usluge hemodijalize. Na hroničnoj dijalizi u prosjeku je mjesečno bilo 975 pacijenata. Na peritonealnoj dijalizi je bilo 74 pacijenata.

Pregled troškova i broja izvršenih usluga hemodijalize za period 01.01. – 31.12.2022. godine, po zdravstvenim ustanovama iskazan je u Tabeli 3 Priloga, a broj izvršenih usluga hemodijalize i troškova po kantonima prikazan je u Tabeli 3.1. Priloga-Prijevoz na hemodijalizu.

Troškovi prevoza na hemodijalizu u 2022. godini finansirali su se po cijenama utvrđenim Cjenovnikom zdravstvenih usluga koje se finansiraju sredstvima federalnog fonda solidarnosti, a koje su utvrđene prema broju pređenih kilometara. Prevoz pacijenata na dijalizu vrše domovi zdravlja i druge zdravstvene ustanove ovlaštene za obavljanje usluga prevoza pacijenata na dijalizu.

Rashodi za usluge prevoza pacijenata na hemodijalizu u 2022. godini su iznosili 1.845.056 KM.

Pregled troškova za usluge prijevoza na dijalizu prikazan je u Tabeli 3.2. Priloga.

4.2. Usluge radioterapije kod malignih oboljenja

Ukupni rashodi za usluge radioterapije u 2022. godini su iznosili 7.459.541 KM od čega se na usluge radioterapije odnosi 6.294.861 KM, dok su troškovi BO dana iznosili 1.146.684 KM.

Usluge radioterapije su pružane u bolničkom tretmanu pacijentima sa težim oblicima malignih oboljenja iz udaljenih područja u Federaciji BiH, a na ambulantnom tretmanu su bili pacijenti sa lakšim oblicima malignih oboljenja i pacijenti sa mjestom boravka bližim zdravstvenoj ustanovi u kojoj se pružaju usluge radioterapije.

Usluge radioterapije u 2022. godini su pružane u UKC Sarajevo, UKC Tuzla, KB Zenica i SKB Mostar, sa kojima su zaključeni ugovori o pružanju ovih usluga. Pruženo je ukupno 10.011 usluge za 2.780 pacijenta. Za 716 pacijenta kojima su usluge pružene u bolničkom tretmanu plaćeno je 17.374 BO dana.

U Tabeli 4. Priloga prikazan je pregled izvršenih usluga i troškova radioterapije, po lokalizacijama, po zdravstvenim ustanovama, a u Tabeli 4.1 Priloga prikazan je pregled izvršenih usluga i troškova radioterapije, po kantonima za period 01.01.-31.12.2022. godine.

4.3. Usluge dijagnostičkih pretraga na hepatitis C i težih oblika hepatitisa B

U 2022. godini, u okviru ovog programa finansirani su slijedeći troškovi :

-) dijagnostičke pretrage na hepatitis C (biopsija jetre, kvantitativni i kvalitativni PCR, genotipizacija virusa);
-) dijagnostičke pretrage na hepatitis B (HVB DNA kvantitativni, biopsija jetre);
-) lijekovi za liječenje oboljelih od hepatitisa C i hepatitisa B u skladu sa Odlukom o Listi lijekova u bolničkoj zdravstvenoj zaštiti koji se mogu koristiti na teret sredstava federalnog fonda solidarnosti.

Dijagnosticiranje i liječenje provodi se, saglasno Uputstvu za provođenje dijagnostike i liječenje oboljelih od hepatitisa C i hepatitisa B izdatog od strane Federalnog ministarstva zdravstva, u tri klinička centra (Sarajevo, Tuzla i Mostar), a nastavak terapije se provodi u kantonalnim bolnicama, odnosno ovlaštenim zdravstvenim ustanovama.

Ukupni rashodi za pruženih 320 usluga dijagnosticiranja oboljelih od hepatitisa C i hepatitisa B u 2022. godini iskazani su u iznosu od 108.260 KM.

4.4. Ugradnja kohlearnog implantata kod djece

Kod djece sa oštećenim sluhom, sredstvima federalnog fonda solidarnosti finansiraju se troškovi ugradnje kohlearnog implantata (vještačke pužnice), u visini od 50% ukupnih troškova nabavke i ugradnje kohlearnog implantata, a preostalih 50% iz sredstava kantonalnih zavoda zdravstvenog osiguranja ili iz drugih izvora (donacije, lično učešće i sl.).

U okviru ovog programa saglasno Odluci Upravnog odbora Federalnog zavoda osiguranja i reosiguranja na teret sredstava federalnog fonda solidarnosti u 2022. godini sufinansirala se i zamjena dotrajalog procesora na ugrađenom kohlearnom implantatu u iznosu od 50% od nabavne cijene procesora.

Troškovi ugradnje implantata i zamjene procesora na implantatu u 2022. godini su iznosili 376.967 KM.

4.5. Usluge humane reprodukcije lica sa invaliditetom

Usluge iz Programa humane reprodukcije lica sa invaliditetom se pružaju u Centru za humanu genetiku, menopauzu i ginekološku endokrinologiju i ugovorene su za 2022. godinu sa KB Zenica u čijem sastavu je navedeni centar. Rashodi ovog programa u 2022. godini su iznosili 9.000 KM.

U skladu sa Zakonom o izmjenama i dopunama zakona o liječenju neplodnosti biomedicinski potpomognute oplodnje (Sl. Novine Federacije BiH, br. 44/22) biomedicinski potpomognuta oplodnja u 2023. godini finansira iz sredstava Budžeta Federacije BiH putem Transfera Vlade Federacije BiH za finansiranje biomedicinski potpomognute oplodnje koji će se doznačiti Zavodu zdravstvenog osiguranja i reosiguranja.

4.6. Usluge dobrovoljnog, anonimnog i besplatnog savjetovanja i testiranja na HIV/AIDS

U okviru ovog programa sredstvima federalnog fonda solidarnosti u 2022. godini finansirani su troškovi po osnovu:

- ☐ savjetovanja prije i nakon testiranja na HIV;
- ☐ testiranja na HIV/AIDS;
- ☐ dijagnosticiranja za sve slučajeve kojima je nakon testiranja nalaz testa na HIV pozitivan i to dijagnostičkim postupcima: Western-Blot, PCR- kvantitativni i kvalitativni i genotipizacija;
- ☐ testiranja na hepatitis C licima kojima su u programu dobrovoljnog, anonimnog i besplatnog savjetovanja i testiranja na HIV/AIDS, prema utvrđenim cijenama po jednoj usluzi

Program dobrovoljnog i anonimnog savjetovanja i testiranja na HIV/AIDS provodi u zdravstvenim ustanovama u Federaciji BiH koje su verifikovane od strane Federalnog ministarstva zdravstva.

U okviru hospitalnog liječenja pacijenata pozitivnih HIV virusom, sredstvima federalnog fonda solidarnosti finansiraju se samo lijekovi sa Liste antiretroviralnih lijekova, dok se ostali troškovi hospitalizacije ne finansiraju iz sredstava federalnog fonda solidarnosti. U 2022. godini izvršeno je ukupno 4.125 usluge savjetovanja i testiranja na HIV/AIDS za šta je utrošeno 122.170 KM.

U Tabeli 6. Priloga dat je pregled troškova za testiranje na HIV/AIDS i lijekove za liječenje oboljelih, po zdravstvenim ustanovama.

4.7. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu

U okviru ovog programa, u 2022. godini finansirani su troškovi testiranja novorođene djece u Federaciji BiH na:

- ☐ kongenitalni hipotireoidizam;
- ☐ fenilketonuriju;
- ☐ adrenalnu hiperplasiu i
- ☐ troškovi dijagnosticiranja i liječenje otkrivenih slučajeva hipotireoidizma, fenilketonurije i adrenalne hiperplasie u toku testiranja.

Rashodi programa testiranja i liječenja otkrivenih slučajeva hipotireoze, fenilketonurije i adrenalne hiperplasie, u 2022. godini su iznosili 204.938 KM. Ukupan broj pruženih usluga je 33.771.

Obim izvršenih usluga testiranja djece i visina iskazanih troškova ovog programa se kreće u zavisnosti od broja novorođene djece tokom godine.

Pregled broja izvršenih usluga i troškova za izvršenje ovog programa u 2022. godini, po zdravstvenim ustanovama prikazan je u Tabeli 7 Priloga.

4.8. Usluge iz oblasti kardiologije i kardiohirurgije u Federaciji BiH

Federalni zavod osiguranja i reosiguranja za obezbjeđenje usluga iz kardiologije i kardiohirurgije u 2022. godini zaključio je ugovor sa šest zdravstvenih ustanova u FBiH i to: UKC Sarajevo, UKC Tuzla, SKB Mostar, Centar za srce Sarajevo, PZU Vitalis Mostar, Medical institute Bayer Tuzla i Plava poliklinika Tuzla.

Ugovorima o pružanju usluga u 2022. godini zaključenim sa navedenim zdravstvenim ustanovama, utvrđen je sadržaj i obim zdravstvenih usluga.

U okviru programa kardiologije i kardiohirurgije u 2022. godini finansirani su troškovi:

-) pružanja usluga invazivne i interventne kardiologije;
-) pružanje usluga elektrofizioloških ispitivanja srca sa radiofrekventnom ablacijom;
-) usluga operativnih kardiohirurških zahvata kod odraslih i
-) operativni zahvati kongenitalnih srčanih mana kod djece u zdravstvenim ustanovama u Federaciji BiH.

Ukupni rashodi za izvršene usluge iz programa kardiologije i kardiohirurgije u 2022. godini su iznosili 41.993.906 KM. Ukupno je izvršeno 9.456 usluga za 7.376 pacijenata, što je za 14% više u odnosu na prethodnu godinu.

Posmatrano po strukturi usluga rashodi su iznosili:

-) Usluge iz invanzivne i interventne kardiologije 22.780.194 KM;
-) Elektrofiziološka ispitivanja srca sa radiofrekeventnom ablacijom 1.710.223 KM;
-) Usluge kardiohiruških operativnih zahvata odraslih 17.269.364 KM;
-) Usluge kardiohiruških operativnih zahvata urođenih srčanih mana kod djece 148.748 KM i
-) Pomoći i refundacije troškova, u iznosu od 85.377 KM.

Sa 31.12.2022. godine na Listi čekanja evidentirano ukupno 831 pacijenata, od kojih 705 pacijent za uslugu invanzivne i interventne kardiologije i 126 pacijenata na operativne zahvate.

Pregled izvršenih usluga i troškova kardiologije i kardiohirurgije po zdravstvenim ustanovama prikazan je u Tabeli 10, a po kantonima u Tabeli 10.1. Priloga.

4.9. Usluge iz oblasti neurohirurgije u Federaciji BiH

Rashodi programa neurohirurgije, u 2022. godini su iznosili 4.897.001 KM. Pružanje usluga iz ovog programa ugovoreno je sa UKC Sarajevo, SKB Mostar, UKC Tuzla i KB "Dr Safet Mujić" Mostar.

U 2022. godini usluge su pružene za 957 pacijenta za koje je izvršeno 1.061 usluga.

Pregled izvršenih neurohirurških usluga kao i troškova za 2022. godinu po vrstama operativnih zahvata, po zdravstvenim ustanovama i kantonima prikazani su u Tabeli br. 11 i Tabeli broj 11.1. Priloga.

4.10. Usluge iz oblasti ortopedije i traumatologije

U okviru programa ortopedije i traumatologije sredstvima federalnog fonda solidarnosti finansirani su operativni zahvati: deformiteti kičme kod djece, multipli prelomi kičme i multipli prelomi karlice. Pružanje ovih usluga je ugovoreno sa UKC Sarajevo, UKC Tuzla i SKB Mostar. Ukupni rashodi na ovom programu u 2022. godini su iznosili 681.631 KM. Ukupno je izvršeno 113 usluga za 110 pacijenata.

U Tabeli 12 Priloga prikazan je pregled broja usluga i troškova ortopedije i traumatologije po zdravstvenim ustanovama i kantonima u 2022. godini.

4.11. Usluge iz oblasti torakohirurgije

U 2022. godini, u okviru programa torakohirurgije finansirani su troškovi pružanja usluga operativnih zahvata karcinoma bronha i karcinoma jednjaka. Usluge iz oblasti torakohirurgije u 2022. godini ugovorene su i pružane u UKC Sarajevo, UKC Tuzla i SKB Mostar. Ukupni rashodi za ove operativne zahvate iskazani su u iznosu od 687.294 KM Izvršeno je 130 operativnih zahvata za 129 pacijenata.

Pregled broja izvršenih usluga i troškova torakohirurgije po zdravstvenim ustanovama i kantonima prikazan je u Tabeli 13 Priloga.

4.12. Usluge iz oblasti transplantologije

U 2022. godini iz oblasti transplantologije, sredstvima federalnog fonda solidarnosti finansirani su slijedeći troškovi:

-) dijagnostičke i laboratorijske pretrage za uvrštavanje na listu čekanja za transplantaciju bubrega, dijagnostičke i laboratorijske pretrage u svrhu održavanja na Listi čekanja i pretrage u slučaju kliničkih indikacija, za dijalizirane bolesnike kod kojih postoji indikacija za transplantaciju bubrega (sa živog davaoca ili kadavera);
-) pripreme za transplantaciju i transplantacija bubrega sa živog davaoca;
-) transplantacija jetre sa živog davaoca;
-) transplantacija organa sa kadavera (utvrđivanje moždane smrti, održavanje kadaveričnog donora, eksplantacija organa, transplantacija bubrega, jetre i rožnjače);
-) transplantacija matičnih ćelija hematopoeze (autologna transplantacija) koja uključuje i tipizaciju tkiva za transplantaciju matičnih ćelija i kriokonzervacija matičnih ćelija;
-) alogena transplantacija koštane srži;
-) usluge transplantacijskog koordinatora.

Usluge transplantacije organa pružane su u UKC Sarajevo i UKC Tuzla, a usluge tipizacije tkiva u svrhu upućivanja pacijenata na Listu čekanja za transplantaciju bubrega u Zavodu za transfuzijsku medicinu Federacije BiH. Ukupni rashodi za program transplantologije u 2022. godini iznosili su 2.271.469 KM.

U 2022. godini izvršene su 50 transplantacija i to: 2 transsplantacije bubrega za živog davaoca i 42 transplantacije koštane srži.

Pregled broja izvršenih transplantacija u 2022. godini

Naziv usluge	UKC Sarajevo	UKC Tuzla	Ukupno
Transplantacija bubrega sa živog davaoca	2	6	8
Transplantacija koštane srži-ALOGENA		1	1
Transplantacija koštane srži-AUTOLOGNA	32	9	41
Ukupno	34	16	50

Pregled izvršenih usluga i troškova za program transplantologije, dat je u Tabeli br.14 Priloga.

4.13. Visokodozna terapija radioaktivnim jodom J-132

U okviru programa nuklearne medicine finansiraju se usluge terapije karcinoma štitnjače radioaktivnim jodom J-132. Rashodi za ove usluge u 2022. godini iznosili su 264.183 KM. Ukupno je pruženo 136 usluga za 135 pacijenata.


Usluge terapije karcinoma štitnjače radioaktivnim jodom godini pružene su u UKC Sarajevo i SKB Mostar.

4.14. Usluge PET/CT

U skladu sa Programom zdravstvene zaštite usluge PET/CT finansiraju se sredstvima federalnog fonda solidarnosti za djecu do navršanih 18. godina života.


Rashodi lijekova i medicinskih sredstva u 2022. godini su iznosili 135.684.263 KM i bili su veći za 8% ili 9.593.113 KM u odnosu na planirane rashode. Posmatrano u odnosu na izvršene u 2021. godini, rashodi lijekova i medicinskog materijala su bili veći za 13% ili 15.314.276 KM.

Rebalansom finansijskog plana za 2022. godinu u dva navrata, kao i internim preraspodjelama sredstva za lijekove i medicinski potrošni materijal, povećana su za 19.274.150 KM u odnosu na prvobitni finansijski plan za 2022. godinu. Odlukom Upravnog odbora zavoda sredstva tekuće rezerve u iznosu od 3.000.000 KM su dodatno raspoređena za lijekove i medicinski potrošni materijal.





Iz prethodnog dijagrama evidentno je da su rashodi lijekova u posljednjih pet godina u konstantnom porastu. Rashodi lijekova u 2022. godini u odnosu na 2018. godinu su zabilježili porast od 75,65%, dok je broj liječenih pacijenata porastao za 17,79%.

Značajan porast rashoda lijekova je počeo od 2019. godine donošenjem nove Liste lijekova Federalnog fonda solidarnosti kada su uvršteni novi lijekovi među kojima prednjače lijekovi iz grupe citostatika.



U strukturi ukupnih rashoda lijekova i potrošnog medicinskog materijala u 2022. godini, dvije trećine (67%) se odnosi na lijekove za liječenje malignih oboljenja i potrošni materijal za dijalizu, što je prikazano u narednom dijagramu.





5.1. Citostatiki

Lijekovi za liječenje malignih oboljenja po broju liječenih pacijenata i visini troškova čine vodeći program u odnosu na ostale lijekove iz programa federalnog fonda solidarnosti. Od ukupno iskazanih rashoda fonda solidarnosti u 2022. godini učešće citostatika je 36,52%, a u okviru potrošnje lijekova i potrošnog medicinskog materijala citostatiki učestvuju sa 60,91% potrošnje.

Rebalansom Finansijskog plana za 2022. godinu koji je pravljen u dva navrata, internom preraspodjelom sredstva, kao i korištenjem sredstava tekuće rezerve sredstva za ovu grupu lijekova su u 2022. godini povećana za 25,86 mil. KM u odnosu na prvobitni Finansijski plan za 2022. godinu.

Odlukom Upravnog odbora Federalnog zavoda o korištenju sredstava tekuće rezerve za 2022. godinu, tekuća rezerva koja je planirana Finansijskim planom u ukupnom iznosu od 3.000.000 KM u cjelosti je raspoređena za nabavku citostatika.

Imajući u vidu efekte primjene Rebalansa finansijskog plana za 2022. godinu, interne preraspodjele i odluku o raspodjeli sredstava tekuće rezerve na citostatike, ukupno planirana sredstva za nabavku citostatika u 2022. godinu su iznosila 73.045.150 KM.

Ukupni rashodi ove grupe lijekova u 2022. godini su iznosili su 82 647 538 KM i bili su veći za 13% ili 9.602.388 KM od planiranih sredstava.

Iako su obebezbjeđena dodatna finansijska sredstva za lijekove, izvršenje rashoda je bilo veće za 8% u odnosu na planirana sredstva. Prekoračenje rashoda se prvenstveno odnosi na lijekove za liječenje malignih oboljenja-citostatike. Do prekoračenja

planiranih sredstava za ovu grupu lijekova je došlo uslijed uvođenje većeg broja pacijenata u liječenje, posebno za citostatike sa posebnim režimom propisivanja i citostatike sa posebnog programa. U strukturi rashoda citostatika u skladu sa klasifikacijom koju propisuje Lista lijekova fonda solidarnosti, najveće učešće su imali citostatici sa posebnim režimom propisivanja 57,16%, zatim citostatici iz posebnog programa 24,55% i ostali citostatici 18,28%.

Posmatrano u odnosu na prethodnu godinu broj liječenih pacijenata za citostatike sa posebnim režimom propisivanja je bio veći za 31%, dok je broj pacijenata koji su liječeni citostaticima sa posebnog programa bio veći za 41%.

Za citostatike sa posebnim režimom propisivanja u 2022. godini u odnosu na 2021. godinu potrošnja je bila veća za 8,46 mil. KM, dok je za citostatike sa posebnog programa potrošnja bila veća za 4,39 mil. KM. Potrošnja ostalih citostatika u odnosu na prethodnu je bila približno ista.

Dakle može se zaključiti da je do prekoračenja planiranih sredstava za citostatike prvenstveno došlo zbog većeg broja liječenih pacijenata citostaticima sa posebnim režimom propisivanja i citostaticima sa posebnog programa.

Broj pacijenata sa indikacijom za liječenjem sa citostaticima je permanentnom porastu. U toku 2022. godine citostaticima je liječeno 13.317 pacijenata što je za 12% ili 1.120 pacijenata više u odnosu na prethodnu godinu.

Iako se sredstva za nabavku citostatika povećavaju svake godine, i dalje nije omogućeno liječenje svih pacijenata za koje je utvrđena indikacija za liječenjem ovom grupom lijekova. Zaključno sa 31.12.2022. godine evidentiran je 491 pacijent na listi čekanja.

Federalni zavod ne može obezbijediti povećanje sredstva za finansiranje svih potreba samo iz doprinosa za zdravstveno osiguranje, te je iz tog razloga u narednom periodu potrebno značajnije povećati finansiranje od strane Budžeta Federacije BiH.

Pregled potrošnje citostatika u 2022. godini po kantonima i zdravstvenim ustanovama prikazan je u Tabeli br. 5. Priloga, za period 01.01.-31.12.2022. godine.

5.2. Lijekovi za dijalizu

Iz sredstava Federalnog fonda solidarnosti u 2022. godini finansirala se nabavka lijekova za pacijente kojima se pružaju usluge hronične i akutne hemodijalize u zdravstvenim ustanovama-dijaliznim centrima, kao i za pacijente koji su na programu peritonealne dijalize.

Rashodi za lijekove za dijalizu u 2022. godinu iznosili su 5.404.633 KM. Posmatrano u odnosu na prethodnu godinu došlo je do pada potrošnje ove grupe lijekova iz razloga što je smanjen broj pacijenata na dijalizi. Ukupan broj pacijenata koji su koristili ovu grupu lijekova je bio 1.792 što je za 6% manje u odnosu na prethodnu godinu.

5.3. Potrošni materijal za dijalizu

Pored lijekova za dijalizu Iz sredstava Federalnog fonda solidarnosti u 2022. godini finansirala se i nabavka potrošnog materijala za pacijente kojima se pružaju usluge hronične i akutne hemodijalize u zdravstvenim ustanovama-dijaliznim centrima, kao i za pacijente koji su na programu peritonealne dijalize.

Troškovi potrošnog materijala za dijalizu u 2022. godini iznosili su 15.018.290 KM. Posmatrano po strukturi troškovi potrošnog materijala za peritonealnu dijalizu su

iznosili 1.700.327 KM za 74 pacijenata, dok su troškovi potrošnog materijala za akutnu i hroničnu dijalizu iznosili 15.318.785 KM za 1.989 pacijenata.

5.4. Lijekovi za liječenje oboljelih od hemofilije

Za liječenje oboljelih od hemofilije, sredstavima Federalnog fonda solidarnosti u 2022. godini finansirala se nabavka faktora koagulacije za sve oboljele od hemofilije. Ukupni rashodi lijekova za liječenje hemofilije u 2022. godini su iznosili 7.928.056 KM. U toku godine liječeno je 79 pacijenata.

5.5. Humani imunoglobulini

Troškovi humanih imunoglobulina u 2022. godini su iznosili 722.982 KM. Ukupan broj liječenih pacijenata u 2022. godini je bio 90.

Pregled broja liječenih i iskazanih troškova liječenja oboljelih od hemofilije po kantonima prikazan je u Tabeli 8. Priloga.

5.6. Lijekovi za hepatitis B i C

Troškovi lijekova za liječenje hepatitisa B i C u 2022. godini iznosili su 3.664.857 KM. Tokom 2022. godine liječena su 803 pacijenata.

Pregled troškova dijagnosticiranja na Hepatitis C i B i troškova lijekova za liječenja oboljelih od hepatitisa C i Hepatitisa B u 2022. godini, po zdravstvenim ustanovama prikazan je u Tabeli 9. Priloga.

5.7. Lijekovi za liječenje multiple skleroze

Ukupni rashodi za liječenje oboljelih od multiple skleroze u 2022. godini iznosili su 8.155.247 KM. Posmatrano u odnosu na prethodnu godinu, troškovi ovih lijekova su bili veći su za 30%, što je rezultiralo većim brojem liječenih pacijenata. U 2022. godini liječeno je 649 pacijenata što je za 32% više nego u prethodnoj godini. Međutim, i pored više izdvojenih sredstava za ovu grupu lijekova, zaključno sa 31.12.2022. godine, na listi čekanja su evidentirana 94 pacijenta.

5.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa)

Rashodi za liječenje oboljelih od Chronove bolesti i ulceroznog kolitisa u 2022. godini su iznosili 4.795.486 KM i bili su veći za 6% ili 202.947 KM. Posmatrano u odnosu na prethodnu godinu rashodi ove grupe lijekova su bili veći za 34%. Razlog povećanja rashoda je veći broj liječenih pacijenata. U 2022. godini je liječeno 327 pacijenata što je za 32% više nego u prethodnoj godini.

5.9. Lijekovi za liječenje plućne hipertenzije

U 2022. godini troškovi lijekova za liječenje plućne hipertenzije su iznosili 163.692 KM. Lijekovi su obezbjeđeni za 12 pacijenata.

5.10. Lijekovi za liječenje tuberkuloze

U 2022. godini troškovi lijekova za liječenje tuberkuloze su iznosili 96.762 KM. Lijekovi su obezbjeđeni za 582 pacijenta.

5.11. Antiretrovirusni lijekovi za liječenje oboljelih HIV/AIDS

Troškovi antiretrovirusnih lijekova za liječenje oboljelih od HIV/AIDS u 2022. godini su iznosili 1.868.548 KM. Liječeno je 165 pacijenata.

U Tabeli 6. Priloga dat je pregled troškova lijekova za liječenje oboljelih od HIV/AIDS, po zdravstvenim ustanovama.

5.12. Lijekovi za profilaksu respiratornog sincicijalnog virusa

U okviru ovog programa, u 2022. godini je izvršena nabavka lijeka palivizumab koji se koristi za djecu mlađu od 24 mjeseca života, a u cilju zaštite od respiratornog sincicijalnog virusa (RSV). Troškovi ovog lijeka u 2022. godini su iznosili 944.152 KM.

5.13. Nabavka aparata i traka za kontrolu šećera u krvi kod djece

U okviru ovog programa sredstvima federalnog fonda solidarnosti finansira se nabavka aparata i traka za kontrolu šećera u krvi kod djece sa registriranim dijabetesom, kao i nabavka inzulinskih pumpi.

Nabavku aparata i trakica za kontrolu šećera u krvi vrši Federalni zavod osiguranja i reosiguranja.

Ukupni rashodi za nabavljene aparate trakice i inzulinske pumpe za kontrolu šećera u krvi u 2022. godini iznosili su 545.113 KM. Rashodi trakica i aparata za kontrolu šećera su iznosili 257.132 KM, dok su rashodi inzulinskih pumpi iznosili 287.981 KM.

5.14. Imunosupresivni lijekovi

Troškovi imunosupresivnih lijekova u 2022. godini su iznosili 2.028.579 KM.

Imunosupresivne lijekove koriste svi pacijenti kao trajnu terapiju nakon izvršene transplantacija organa, a saglasnost za korištenje imunosupresivnih lijekova izdaje Komisija za izdavanje saglasnosti za liječenje imunosupresivima saglasno Uputstvu za liječenje imunosupresivima izdatom od strane Federalnog ministarstva zdravstva.

Troškovi imunosupresivnih lijekova su u direktnoj ovisnosti o broju pacijenata sa izvršenom transplantacijom organa, kao i visini cijena ovih lijekova. U 2022. godini broj pacijenata liječen ovom grupom lijekova je bio 355.

6. Bolničko liječenje povratnika iz Federacije BiH u općine u R Srpskoj

Ostvarivanje prava povratničke populacije iz Federacije BiH u R Srpsku je regulisano Odlukom o ostvarivanju prava iz bolničke zdravstvene zaštite povratnika iz Federacije BiH u R Srpsku u zdravstvenim ustanovama u Federaciji BiH („Sl.novine Federacije BiH“, br. 84/14 i 36/15).

U 2022. godini rashodi liječenja povratnika iz Federacije BiH u R Srpsku su iznosili 2.273.810 KM. Neutrošena doznačena sredstva namjenskog transfera iz Budžeta Federacije Bosne i Hercegovine za liječenje povratnika u Republiku Srpsku iz ranijeg perioda raspoređena su i utrošena u toku 2022. godine za liječenje povratnika u Republiku Srpsku.

7. Program liječenja u inostranstvu

Programom zdravstvene zaštite utvrđeno je da se pacijenti sa oboljenjima i stanjima odnosno povredama koji se ne mogu uspješno liječiti u zdravstvenim ustanovama u Federaciji BiH, a koja su definirana Pravilnikom o uslovima i postupku upućivanja na liječenje u inostranstvo, liječe u zdravstvenim ustanovama u inostranstvu.

Liječenje pacijenta se provodi u zdravstvenim ustanovama u inostranstvu sa kojima je Federalni zavod osiguranja i reosiguranja zaključio ugovore, odnosno u zdravstvenim ustanovama sa kojima Bosna i Hercegovina ima zaključene međudržavne ugovore o

socijalnom osiguranju koji predviđaju mogućnost upućivanja osiguranika jedne države na liječenje u drugu državu.

Upućivanje pacijenata na liječenje vrši se na osnovu izdate saglasnosti od strane nadležne komisije, imenovane od strane Federalnog ministarstva zdravstva.

Troškovi liječenja u inostranstvu u 2022. godini iznosili su 15.695.388 KM što je za 12% ili 1.695.388 KM višeu odnosu na planirane. Posmatrano u odnosu na prethodnu godinu troškovi liječenja u inostranstvu su bili veći za 32%. Ovaj značajan rast ispostavljenih troškova ogleda se u činjenici da je u ovoj godini došlo i do značajnog povećanja upućenih pacijenata na liječenje, za razliku od prethodne dvije godine, kada je, uzrokovano korona virusom bilo i manje prijedloga za upućivanje na liječenje. Također, tokom ove godine, za jednog pacijenta, izuzetno je odobrena veoma skupa terapija za liječenje oka, a za čije liječenje je plaćeno cca 8% ukupno ispostavljenih troškova (preko 1 milion KM).

Pregled troškova liječenja u 2022. godini po vrstama oboljenja

R.br.	Oboljenje	Iznos
1	Dječija kardiologija	3.893.722
2	Rijetke patologije	3.594.148
3	Transplantacija koštane srži	2.795.118
4	Dječija onkologija	1.619.609
5	Transplantacija organa-jetra	1.291.982
6	Gama nož	804.461
7	Ugradnja srčane pumpe	737.694
8	Transplantacija organa-bubrezi	402.592
9	Transplantacija pluća	190.915
10	Ostala oboljenja	155.597
11	Embolizacija, stentiranje i koilovanje krvnih sudova	68.635
12	Elektrofiziološka ispitivanja	67.013
13	Transplantacija organa-rožnica	37.482
14	Tumori oka kod djece i odraslih	28.201
15	Transplantacija organa-srce	8.218
	UKUPNO	15.695.388

U prilogu izvještaja (Tabela br.17) dat je pregled troškova liječenja po kantonima i dijagnozama.

8. Ostali rashodi u funkciji provođenja programa federalne solidarnosti

Ostali rashodi u funkciji provođenja programa federalne solidarnosti odnose se na troškove: provođenja postupka javnih nabavki lijekova i potrošnog materijala koji se finansiraju sredstvima federalne solidarnosti, isplate naknada za rad komisija za izdavanje saglasnosti za liječenje na teret sredstava federalne solidarnosti, naknada za rad drugih stručnih komisija u postupku ostvarivanja prava koja se osiguravaju sredstvima federalne solidarnosti, finansiranja.

Ukupni rashodi za ove namjene u 2022. godini iznosili su 316.047 KM.

9. Sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja

Pravilnikom o dopuni Pravilnika o načinu ostvarivanja prava iz obaveznog zdravstvenog osiguranja koje je donijelo Federalno ministarstvo zdravstva („Sl. novine Federacije BiH“, br.31/02 i 20/19) utvrđeno je da osigurana lica mogu ostvariti pravo na sufinansiranje, od strane zavoda zdravstvenog osiguranja, pruženih zdravstvenih usluga i nabavke lijekova. Kriteriji, način i postupak odobravanja ovih prava utvrđen je Odlukom o sufinansiranju pruženih zdravstvenih usluga i nabavki lijekova saglasno navedenom Pravilniku. U skladu sa navedenim, Odlukama Upravnog odbora Zavoda odobreno je u 2022. godini sufinansiranje troškova zdravstvenih usluga i nabavke lijekova u iznosu od 321.772 KM.

10. PRILOZI

- Tabela 1. Pregled prihoda od doprinosa ostvarenih u obaveznom zdravstvenom osiguranju, za period januar-decembar 2022.;
- Tabela 2. Ukupni rashodi fonda solidarnosti, za period januar-decembar 2022.;
- Tabela 3. Pregled usluga i troškova hemodijalize, po zdravstvenim ustanovama, za period januar-decembar 2022.;
- Tabela 3.1. Pregled usluga i troškova hemodijalize, po kantonima, za period januar- decembar 2022.;
- Tabela 3.2. Pregled troškova prijevoza na hemodijalizu, po kantonima za period januar-decembar 2022.;
- Tabela 4. Pregled izvršenih usluga radioterapije, po zdravstvenim ustanovama za period januar- decembar 2022.;
- Tabela 4.1. Pregled izvršenih usluga radioterapije, po kantonima za period januar- decembar 2022.;
- Tabela 5. Pregled troškova za citostatike, po kantonima i zdravstvenim ustanovama, za period januar-decembar 2022.;
- Tabela 6. Pregled troškova za liječenje od AIDS-a, po zdravstvenim ustanovama, za period januar-decembar 2022.;
- Tabela 7. Pregled troškova za program novorođenačkog skrininga na kongenitalni hipotireoidizam i fenilketonuriju, po zdravstvenim ustanovama za period januar-decembar 2022.;
- Tabela 8. Pregled troškova za liječenje hemofilije i humani imunoglobulin, po kantonima, za period januar- decembar 2022.;
- Tabela 9. Pregled troškova dijagnostičkih pretraga i lijekova za hepatitis C i hepatitis B, po zdravstvenim ustanovama, za period januar-decembar 2022.;
- Tabela 10. Pregled obima izvršenih usluga i troškova kardiologije i kardiohirurgije po zdravstvenim ustanovama, za period januar-decembar 2022.;
- Tabela 10.1 Pregled obima izvršenih usluga i troškova kardiologije i kardiohirurgije, po kantonima, za period januar-decembar 2022.;
- Tabela 11. Pregled obima izvršenih usluga i troškova neurohirurgije, po zdravstvenim ustanovama, za period januar-decembar 2022.;
- Tabela 11.1 Pregled obima izvršenih usluga i troškova neurohirurgije, po kantonima, za period januar- decembar 2022.;
- Tabela 12. Pregled obima izvršenih usluga i troškova ortopedije i traumatologije, po zdravstvenim ustanovama i kantonima, za period januar-decembar 2022.;

Tabela 13. Pregled obima izvršenih usluga i troškova torakohirurgije, po zdravstvenim ustanovama i kantonima, za period januar-decembar 2022.;

Tabela 14. Pregled obima izvršenih usluga i troškova transplantologije, po zdravstvenim ustanovama za period januar-decembar 2022.;

Tabela 15. Pregled obima izvršenih usluga i troškova vaskularne hirurgije, invazivne i interventne angiologije, po zdravstvenim ustanovama, za period januar-decembar 2022.;

Tabela 16. Pregled obima izvršenih usluga i troškova najsloženijih oblika zdravstvene zaštite iz oblasti urologije, po zdravstvenim ustanovama, za period januar-decembar 2022.;

Tabela 17. Pregled troškova liječenja u inostranstvu po oboljenjima i kantonima za period januar-decembar 2022.